

玉山詩集四卷

共 2 册 存 2 册 排架号 08139

庚申仲夏用仿
宋穀珍版印

序

玉山詩集四卷建德周制府編年之詩始咸豐庚申訖
宣統辛亥五十年中述懷紀事所作也詩必有性情然
後能感人亦必有事實然後可傳世制府自述學詩託
始唐人故不爲漢魏六朝門戶結習而獨抒性靈自行
胸臆不規規於法古而自得真趣少長兵間重覩昇平
故於先後治亂之迹感慨最深寫亂離之景象陳民間
之疾苦沈痛微婉有少陵次山遺風至其觸事抒情因
物寓意如元相之稱白傅所云激切贍實者體尤近之
晚歲優閑流連景光閑適平遠之作又出入於渭南昔

桐城張文端公愛白陸之詩以爲日讀其詩則企見其人是也制府自云生平事迹略具其中知此意則可以讀此詩矣白陸之詩猶一人之事也同治初元李文忠公創治淮軍削平大難光輔中興久領北門寄重分陝庚子之變乘輿西幸留臺京師實爲中葉以後上下數十年磊落數大事會歸之地制府始自佐戎入幕以至議約收京從事文忠與相終始北洋綰轂中外當時用人行政籌海治河興學練兵百端備舉制府以元從者護將吏任事最久無役不預而尤精擊水學河工聲績民稱至今制府於治河既有專書其見於各詩中者精

思偉論名章雋句紛綸洞達如讀條議可證經說可補
史志最爲奇作此外感事懷人諸什於內治外交之得
失文武人物之盛衰尤三致意焉至今讀之陳迹歷歷
如在目前說武鄉之故事感臨淮之遺法足爲一代之
史材非獨一時之治譜也信可傳矣唐史謂詩人達者
惟高常侍又以老壽稱劉賓客制府兼之奮迹田間朝
無奧援數遭忌抑終以能績致位大府江廣之節接迹
文忠仕宦非不遇也諸郎繼起早取科第吏能文學皆
負時譽羣孫蜚聲庠序各守一經門才之盛稱於江左
年逾七十神明不衰不廢登涉以資吟嘯近世士大夫

晚福之全罕有倫比而制府自言其詩以爲憂多樂少
擬於窮愁庚辛以來天下亦多故矣時方勵行新政託
名富强深識者已有不可終日之慮制府爲國重臣誼
同休戚池上之夢爭仰屋之竊嘆固有不能去懷者詩
人感興情隨事遷賞心所寓不必盡同桓野王之歌怨
詩李趙公之詠汾曲同時聞者衆矣而明皇謝傅爲之
沾衿易地觀之或亦以爲常語耳制府自云絃外之音
會心人當自得之知言哉宣統三年夏山南于式枚

玉山詩集自敘

余年十二三偶讀唐詩愛之未嘗學也逾數年洪逆擾江南奔走流離幾無生理後從戎幕轉入仕途艱苦備嘗日勞心於公牘叢沓間經史幾廢遑問音韻之學拙性喜靜偶行役所至目有所觸心有所感輒率意題數語蟲吟鳥語自適其真非登高能賦比也舊稿多散佚從未檢理昔年老友鄧熙之廣文于晦若侍郎爲我訂正略有刪除尙存八百餘首可謂濫且多矣平生雪泥鴻爪之迹略具於此詩筆薄弱不足問世聊存家塾使子弟知我經歷艱難也嗟乎孟子有言生於憂患死於

安樂余平生憂多樂少志也亦命也詩中安能道其十
一絃外之音識者當自得之若云窮愁工詩則誤矣庚
申正月皖南玉山周馥時年八十有四

玉山詩集卷一

皖南建德周馥玉山甫著

男學熙全校

學淵

學輝

登東流縣城外營壘

咸豐十年庚申二十四歲

西風獵獵戍旗斜無限春愁起暮笳芳草有情聯故里
長江無浪沒平沙風霜狐兔移巢穴雷雨蛟龍見爪牙
可奈仲宣鄉思切獨攜書劍向天涯

從陽秋日

咸豐十一年辛酉二十五歲

南望烽烟萬井荒射蛟臺畔戍旗黃秋風無限相思淚

玉山言集卷一
聊寄幽思對短檠市近隣雞常早報巢寒秋燕帶歸聲
年來閒恨知應少聽徹寒蛩夢轉清

大雪放歌

前年看雪東海旁去年看雪吳金閶今年看雪鐘山阜
明年看雪知何方關山奔走炎涼過一事無成裋褐破
蠻府參軍強事人東方先生幸免餓昨來迎養皖水涯
慈幃無恙鬢生花富貴何時歲月去人生世事如搏沙
天心夢夢不可說袁生僵臥抱高節烈士暮年志足悲
酒酣徒擊唾壺缺同人舉盞祝豐年誓將來歲歸力田
嗚呼歸力田荒郊滿目無人煙縣官方索丁口錢

自笑

堪笑平生太率真
何人相馬到風塵
薄雲漏日難成雨
小室移花自養春
風月有情常伴客
江山信美惜非隣
疏狂已分難逢世
莫把窮通問夙因

三十初度

同治五年丙寅三十歲

三十年華彈指間
半消鉛槧半關山
含飴尙憶全家樂
負米今慚千里顏
遭亂此生魚脫網
感恩何日鳥啣環
故人休道心灰冷
湖海元龍氣未刪

十載烽煙歲復災
我生懷抱幾時開
世逢屯剝難邀福
人識安閒不費才
大澤春深龍變化
孤山梅冷鶴歸來

高懷每羨劉伶達萬事無心獨舉杯

年來漸覺毀譽稀方寸惺惺辨是非東郭能筭終濫食
西門有佩祇懸韋書從悟後言皆物心到虛時體自肥
何日籛書能讀盡一筇五嶽遍游歸

小兒周晬後三天客邸連朝樂事偏有母故園應計日
無朋小室自開筵霜高鴻雁南飛久春早梅花獨放先
擬學長生不修煉飯蔬飲水躡神仙

春日游孝陵靈谷寺寄劉翊卿

同治六年丁卯三十一歲

游山如讀書開卷不釋手愈探乃愈奇餘味長在口我
游鍾山南泉清土脈厚孝陵據其麓宏曠富所有羣山

若冠佩肅立環左右東有靈谷寺寶誌遷瘞久巋然無
量殿洞門開八九春深草上屋夜靜虎搗牖野竹雜幽
花紛映高低阜王業與禪定是否真不朽山僧農事足
茶味濃如酒脫帽坐移時清風生兩肘歸馬夕陽紅山
勢盡回首嵐光乍分合似與心目誘始知天下理淺深
在人剖

江甯道中

赤日碧天淨千峯橫益奇蟬鳴山路熱泉冷稻香遲古
廟藤蘿合荒溪略約危老農知款接獻茗意怡怡
雞聲四野亂涼月滿河橋小市人偏聚長途馬不驕稻

花酣曉露蘆葉響秋潮休養期循吏常思撫字勞
林密犬聲急茅檐隔短陂晚春貧婦急舊路老牛知瓦
缶烹茶厚荆籬引蔓支最憐齒茗豔開落自盈池

秦淮晚眺

城頭薜蘿深秋蟲鳴不已借問築城人年紀遼遠矣有
女城下居倚門發皓齒插花不如意放驕怒阿姊蹇蹇
出城者云是落第子愁容如可掬跼蹐走行李長嘯慨
世人得失徒勞耳

與甘愚亭吳梅塘夜話

淡雲微雨石城秋清夜紅燈話驛樓世事積薪防厝火

書生枕劍夢封侯百年哀樂原如夢一飽江湖不易求
今古是非誰辨得碧天杳杳月如鉤

游寶華山

層峯插天高參差足跡未到心訝奇幾回路轉失所指
未知真形竟何是松杉滿徑風騷騷人馬出沒驚飛猱
半空坐見江流細連山起伏如波濤攀樹披荆徑幽敞
有亭翼然懸崖上過亭穿嶺越方塘塘外琳宮宮外牆
梵音縹緲白雲合樓臺金碧樹青蒼翠嵐四映日光冷
雲窗石牖夏生涼拜經台去更五里龍池多龍如魴鯉
老僧古洞低眉坐與龍相擾馴莫比藤蘿繞戶崖飛水

龍忽騰兮煙霧裏疑有仙人騎而駛我心對之莫可擬
仙乎仙乎誰爾爾

遊棲霞山

奇峯突出羣山中作勢欲並江流東洪濤隔斷不敢渡
盤旋跌宕迴長風靜女幽閑復窈窕儒將文雅還沈雄
一峯獨立衆山頰昂頭天外無牢籠天風浩浩吹衣冷
山僧導我千佛嶺斜陽淡沲暮雲寒江水清泠田萬頃
齊梁衣冠喚不回鑿山成佛空崔嵬可嘆留名爲勒石
山頽石朽名亦摧最喜山僧不解事不求仙佛不識字
養牛肥大能犁田白晝犁田夜酣睡

鄭家埠有所見

黃泥滑滑車嘈嘈行人躑躅馬悲號
炊煙何處人家遠
青天落日風蕭騷夜投野店輿僮侶
疏糲一飽臥空廡
謁來胡姬勸客觴使我頓忘思鄉苦
思鄉苦那得知酒醒後月明時
男兒生無田半頃走死道路安得辭
從古英雄不空老明日揚鞭指長道

雨後訪吳梅塘夜歸

同治七年戊辰三十二歲

雞鳴山下又春徂欲覓清閒一日無
今日正閒閒不得
扁舟風雨泛平湖

插秧雨過水初平新綠如雲罨滿城
風月五更涼趣少

平田萬頃亂蛙聲

流水潺潺繞舊城興亡今古一棋枰
幽人閒恨都拋却
一夜空牀聽雨聲

一春少放後湖船每到君家費酒錢
四面雲山一湖水
開樽况遇主人賢

邱履平歸省

把袂風塵滿相逢獨汝親艱難當此世
血性幾何人
一劍江湖冷高歌斗室春丈夫有真氣
何事苦悲辛
言別須臾別扁舟江海寒微官輕得失
老母慰平安
知己天涯少心期我輩寬
黃花重九日待爾共清歡

出門歌

寒雞喔喔叫幾遍明月清霜鋪滿院起對疏燈寒欲顫
家人奔走具行膳山荆惻惻理征衣口祝平安期早歸
亂離幾載室如洗君今別去何所依老人涕零意不足
驚心但指風前燭承歡何限戀春暉謀食終須營半菽
出門但覺風颼颼臨歧送行人愁吁嗟乎人生貧賤
多煩惱富貴來時苦不早君不見糟糠屬望高堂老

留鬚家人置宴感賦二首

面目天然自合宜何須隨俗問妍媸百年生死吾相共
少日風塵爾未知麟閣圖形何敢望康衢擊壤尙堪期

五山詩集卷一
神仙功候儒生業樂境多應在老時

綠酒黃花香滿筵妻孥祝我到華顛難追堂上含飴樂
猶憶鄰家擲果年歲月恐隨江海老雪霜甯挫檜松堅
不辭圖入茱萸會預爲髯翁結後緣

春暮遊寶華山

山在句容縣境

八年己巳三十三歲

同治

滿山濃綠雨初晴一路新蟬喜放聲勝境路宜多轉折
離家人怕過清明長江風順孤帆健碧落煙開絕巘橫
手折花枝長嘯去翠微高處看雲生

養疴寶華山雜詠

客中作客復離家又向華陽問紫霞春去春來人不惜

童呼爲折雨中花

深山深處有人家一抹浮煙萬樹遮啼鳥數聲春雨散
滿山晴日映桃花

萬綠叢中石屋深一聲長嘯暮煙沈白雲封徑客來少
閒與樵夫證道心

春老山窗紫翠圍幽人野鳥兩忘機青天萬里東風暖
坐看白雲如馬飛

春雨春陰惱客情萋萋芳草向人生子規啼罷鷓鴣喚
恍作天涯萬里行

一炷香銷午夢清窗前不覺白雲生金經讀罷渾無事

獨坐山房聽鳥聲

與山僧尋仙洞

榮枯本是尋常事
憂樂全憑一寸心
九轉丹砂人不煉
却來塵世覓黃金

閱歷方知行路難
此心安處萬緣安
白雲蒼狗須臾事
但在峯頭仔細看

山頂放生池

浮藻青青落葉多
四時風月靜無波
游魚應憶江湖樂
知否江湖有網羅

自龍潭登舟往上海

山居無夢到長安
倏忽乘槎泛海瀾
細草輕波江路遠
曉風微雨麥秋寒
魚龍久蟄思春暖
燕雀低飛託地寬
隨處湖山且留戀
秦淮權作故鄉看

過常州有感

昔日從軍笳鼓喧
今朝歌醉過橋門
年豐已忘饑荒苦
亂定纔知君相恩
野菜半擔爭早市
垂楊小樹出新村
渡江豪士知多少
腸斷重來弔戰魂

贈甘愚亭

便便大腹膽輪囷
赤手風塵五十春
游戲青囊聊隱世
治安白屋豈無人
黔驢入路千民送
白羽搖風四座親

共惜奇才非百里時清人自重良循

彈鋏吹簫往事哀徵車到處閣爭開賢名非借諸侯重
豪氣原從里黨來大事如公真可託虛心無地不稱才

秋風五度秦淮畔老困英雄志欲灰

題孫硯農詩集

同治九年庚午三十四歲

握手先驚氣宇清讀君詩句更縱橫春雲出谷千巖潤
池柳含風萬縷輕世亂人才悲蠖屈年深寶劍亦龍鳴
與君日日長歡醉徙倚江樓看月生

崑山道中

布帆側側趁斜曛何處田歌枕上聞涼雨半天鴉萬點

野城春樹綠如雲

黃家濱

江雲漠漠雨霏霏
綠樹人家靜掩扉
萬頃黃雲風蕩漾
一聲柔艣雉驚飛

西窗

獨闢西窗十二方
小庭花木自平章
客來清話何妨久
事過無心亦便忘
龜鶴長生甯有訣
鯤鵬變化本非常
書生作計真堪笑
甌石居然敵萬箱

憶昔

一生九死過凶年
萬水千山百困顛
急難重重蛇脫殼

夢魂惻惻雁驚弦每當險處兒幾虜想到平時犬亦仙

地下先人心慰否全家此日幸安全

建德自咸豐二三年迄同治二年被粵

寇擾害最重民死數萬余家先避難本邑山谷間後避於彭澤九都山中旋避於安慶江干蓋瀕死者屢矣

有感

撫劍彎弓詎足豪坦然心地與天高大夫射雉求娛內
國事亡羊始補牢霧隱南山徒自惜石填東海恨空勞
金丹一粒憑誰授萬里扶桑釣紫鰲

祀竈日偶題

爆竹聲喧祀竈期客中喜氣溢門楣酒闌忽作還鄉夢
記得垂髫放學時

老母池州兒蔣州百年歡樂幾春秋故園好友書誇我
爲報山田歲有收

示海銘兩兒

頑慧本天生榮辱皆自受至愛如父母於中難假手私
心豈能忘經訓日聒口勿以葠苓湯誤作鳩媒酒轉眼
少年非追悔復誰咎

人生遇何常非貴卽爲賤貴賤本無分分在凡與彥七
尺異禽獸匪以服食變膏粱不讀書蠢愚覩人面聖人
千萬語一一理易見貴固爲國光賤亦守身狷

我家本素士中道遭離亂頻年營一飽奔走若流竄當

知一粒微皆我心血換言歸在何時壁立塵無半所望
爾曹賢慰我肯構嘆龍猪未可卜志氣從今判千里決
毫釐日月休汗漫

武侯戒子書淡泊與甯靜聖人百世師忠恕重垂警所
貴收放心慾絕外物屏改過如掃地時見塵滿境讀書
如嘗食甘苦在心領一步一從容卽事卽思省久久心
自明豁然開萬頃矢志金石堅造物難爲梗

前書未盡復作此寄之

人生要有道原不重文字文字苟未能其他遑暇議而
况聖賢心皆於文字寄韓蘇天生豪後生望却避要之

品識超落筆自清異科第假入身尤先重理義開卷必
有益愈尋愈出味青燈五夜心淵然含天地

我少悔失學負志頗骯髒功名付之天羞隨人俯仰富
貴豈能求歸耕計非枉偶爲事畜貲櫛沐走塵鞅爾若
承我志齏鹽美熊掌悠悠環堵中浩歌金石響世事何
深求行藏非可強

祖母偶不懌曲意承歡私弱弟時好弄勿便怒恣雖言
行出入間肅肅而怡怡古稱聖與賢其道不外茲胸中
書有無觀貌乃可知後來福厚薄在幼已先歧萬語不
能盡道阻傷別離兒其置案頭一日三致思

憶昔

憶昔粵賊來東南沈半壁一年百竄徙自分死鋒鏑賊
至兵先逃殺掠等夷狄賊去兵復來瘡痍苦搜剔千里
荒無人荆榛雜瓦礫初亂有人哭久亂聲寂寂哀哀十
二年有淚無處滴力弱未能庇傷哉我親戚

猝聞賊追來駭愕棄兒走逃死恨無路情急足愈後襁
褠叢棘中屏息獨掩口青天慘無光但聞賊叫吼連山
煙蔽日十人死八九夜半忍飢歸生菜烹瓦缶賊壘巨
火明陰風搜林藪五更復潛逃處處驚刁斗

天人逢厄運禍機觸處是膽落九都山魂銷皖江水丈

夫草間亡不如報國死壯心悲逾奮兩足踏千里老人
哭送兒勸兒早歸里豈知兒還時老人叫不起東流江
水深北山頽雲委見面生無期魂夢空哀毀老母今幸
健頻年猶客裏承歡惜時刻諳諳告妻子

過海

時自上海乘輪舟赴天津
同治十年辛未三十五歲

黑水無邊天四環一輪明月自孤閒參差如畫青千里
知是金州過海山

玉闕瑤臺望已空碧波渺渺接蒼穹南來一鵠飛何急
萬里無雲趁曉風

隱隱雷車蕩紫瀾月明長嘯碧空寒蒼煙劃斷浮雲影

多少魚龍側目看

夜氣沈沈蜃氣輕紅霞東指是蓬瀛可憐無限黃梁夢

同破天雞第一聲

辛未春重過上海城南舊壘訪友

飲馬城南忽十年重來桃李已風煙昇平雞犬都關福

邂逅功名亦有緣馬革苦心宜滅賊龍飛盛業在求賢

咸同間粵匪擾南數飄零幾輩豪如故把酒重來對月

圓

夜行永定河口占

滿天明月亂飛沙捲地狂風欲覆車遠火一星高不滅

招搖飛度黑雲斜

閱永定河下游隄工

五百年前此戰墟尙留孤砦枕荒渠
洪流移軌人誰辨
綠樹連村畫不如
水退魚龍聲寂寞
年荒雞犬氣蕭疏
宣防自昔無長策
何況宣防久廢餘

房山元夜

同治十一年壬申三十六歲

檣蒲走馬雜嬌鬟
逐隊街西半日間
二十年來江海月
照人春夢又燕山

西山

樹裏人家對宇明
清波一曲自回縈
天青日暖牛羊散

空谷遙傳杵臼聲

春日涿州道中

長途倦春晝睡魔若相迫飛塵莽天地鬚眉澁已白江
南東風早啼鶯弄柳色踏青知幾人憶我天涯客

大風雪宿新橋店

補屋編蘆不翦花紅鑪活火倚征車人生苦樂何嘗定
醉飽安眠是到家

白塔鋪卽事

出郭四十里未午到安肅訛聞冰可行車陷水沒軸攀
轅心膽墮頓轡僮奴哭土民幸好義救死集鄰族百計

起沈淵馬蹙車折轂斜陽猶在山白塔高半屋晚煙四
處起寒風動林木喘息藉茅坐古碑聊一讀

天津客寓

風雨津門客星霜半載過事嫌如意少貧畏受恩多世
運當重泰天心自太和興衰一轉念珍重莫蹉跎
遼海多驚浪親朋少問箋我生星在驛家事月難圓憂
樂甯身計功名視世緣羞將羈旅意致啓大官憐

永定河感事

落日長隄遠樹齊宣防館屋路東西衙官雅有山林樂
睡起茅檐聽午雞

芻餉繁興百費裁年來誰問濟川才
摩挲老樹增三歎
曾見先朝御輦來

同治十一年三月二十一日永定河南岸石隄塞

決已成和桂禮堂別駕見寄之作

籲天無計挽滔滔半載風霜夢寐勞
力盡竟邀神鬼助
時清要使鱷螭逃一犁甘雨春回隴
萬弩飛聲水不濤
恥作焦頭躋上客亡羊猶欲補前牢

秋夜

蟲語千絲亂風聲萬馬驚如何秋信至
共作不平鳴
家破遭多難途危悵遠征那堪風雪裏
垂白急歸程

李藻舟觀察示永定河合龍紀事詩卽和其韻並

呈吳贊臣司馬桂禮堂別駕

天心不恕虐白晝蛟龍游人事每苦厄忠信魑魅投翳
余役桑乾喜去懼還留詔書工代賑萬民形如鳩嘔心
苦區畫策盡無遺籌功成思善後往略時勤搜天意哀
勞人滔滔乃安流涔山老黿怒爪牙起靈湫怪雨三十
日鼓浪排山邱嗟哉歸來民逃死復不休大吏急上聞
讒者巧相尤時危人力竭欲挽無萬牛旁觀坐趨趨悠
悠如閒鷗諸公勇無前兩月功竟收事定沐褒音魂夢
猶隱憂忌者復以喜拙者矜良謀丈夫拯溺志豈爲公

與侯要使相感奮老馬爭騏驕吾願與諸公推手援九州

癸酉二月乘小舟出天津渡海入利津河口同治十二年

癸酉三十七歲

貼岸紋螺射日光垂空雌霓接天長黃花魚上東風急十戶漁家九放洋

淺水灣頭舵易持晚來風定落潮遲微波不動雲陰合正是魚龍鼾睡時

過濟南

山色迴環水蔚藍濟南風景似江南柔桑弱柳依依綠

都有昇平樂意含

大風飛沙舟行東阿黃河中

不見天地色但聞風水聲飛沙如激箭危舸急懸旌未
必神爲助居然險可攫澄清原有術羞自請長纓

夜泊張秋鎮

林莽微茫戍火明平蕪淒楚亂蛙聲荒煙野渡停孤棹
淺草寒沙沒古城萬國轉輸爭咫尺九河今古自縱橫
中興妙略誰能說曾借波臣四面兵

同治年合肥李傅相督師剿捻匪因

張秋河漲
合圍滅之

鄆城舟中

時黃河水
漲城陷

淼淼危城倚夕陽
風沙颯颯水雲荒
暮笳催送潮聲急
夜雨孤懸客夢長
遠岫低昂天淡漠
長河浩瀚氣悲涼
導黃濟運無全策
誰憫其魚緬夏王

魚山

曹植墓

風流文藻氣銷沈
忠愛憂讒見苦吟
今日扁舟祠下過
碧山淒冷暮雲深

侯家林舟中

風浪天無際
收帆濮水濱
重裘三月冷
小酌一燈親
疏雨蓬窗靜
荒煙茅屋貧
清明渾忘却
惆悵故園春

過濟南

騰騰平原翠接天鵲華秀色起風煙人如燕趙悲歌壯
春到蓬萊草木妍渡海岱宗朝萬壑分流汶水會千川
富強自古關形勢况此魚鹽萬井田

彤弓寶玉久銷亡代馬南車幾戰場三代後無甥舅禮
九州人仰聖賢鄉鐵門關去滄桑改銅瓦河來市井荒
咸豐五年黃河由銅瓦廂決入大清河兩岸田廬盡毀利津鐵門關外淤出葦洲四十里欲對遺城
詢往事淒涼山鎖黛眉長

開州道中

地險憑河濟民風媿魯齊一帆淇澳外斜日宛亭西雨
足麥苗秀風和楊柳低猶聞澶水上歲護古金隄

玉山詩集卷一
茶話茅亭久鋤犁過午陰人情三代厚河患廿年深帝
降勤民詔天存悔禍心幾時民氣復富教踵先箴

蘭儀道中

隱隱長隄亘若虹龍祠簫鼓遍西東六州河患橫終古
千載民脂竭此中茅舍春寒楊柳瘦沙田雨足麥苗豐
大行遺址依稀在猶見勞臣補葺功

過陽武漢陳平張蒼故里

受金盜嫂事無賴伏鑕封侯遇亦殊自古功名半僥倖
不須錐股讀陰符

衛輝道中

拂拂南風麥穗長
淇門淇水自湯湯
清波乳鴨柳陰暖
野廟閒僧草閣涼
三代衣冠存大帛
土人簡樸多著白衣
百泉風月有閒堂
枋頭吟道車轍今何在
日落平沙思渺茫

登大伾山

山下卽禹河故道
子貢墓在其麓

禹王故迹高賢宅
一望平原落照中
大造英靈原不死
飛沙蒼溟勢猶東
山城日暖風帆靜
松柏陰寒洞府雄
世事遷流桑海變
浮邱人滿梵王宮

登道口城樓望古河道

滹沱南去長淮北
都是黃流蕩激鄉
砥柱洪流奔馬下
井田遺制餼羊亡
平沙細草猶耕牧
矮屋荒年少蓋藏

玉山詩集卷一
安得議郎獻奇策導河西徼入遐荒

行路嘆四首

顛搖步步嘆艱難
午畏炎歊曉畏寒
客夢欲醒還欲睡

白雲芳草路漫漫

轎車

小艇篷低舵不靈
迴風激浪帶蛟腥
垂楊兩岸秋陽瘦

更著哀蟬送客聽

小艇

託身咫尺苦低昂
赤日隆隆沙路長
遙望高田禾黍動

微風未到意先涼

手推車

破壁燈昏蟲亂飛
雨餘腥氣襲征衣
茅檐高挂荒荒月

一夜酣眠不夢歸
野店

四月沿衛河回天津

霎時風雨霎時晴南浦重陰北浦明翠麥連雲溪路斷
青山轉處一帆行

杏子花時客載途歸來煙水滿平湖夢醒疑在江南路
風雨扁舟聽鷓鴣

過汶上

石梁中斷水分歧歲告司農爲補隄辛苦倉皇嘆魚鼈
半年東去半年西

癸酉七月催辦桑乾隄工

柳老蟬鳴水落灘秋風三度到桑乾弊深何忍吹毛索

五山詩集卷一
勢去方知援手難幕府文書飛箭急金隄風雨授衣寒
濟川要在資羣策多愧諸人壁上觀

永定河有感

濁水迴瀾萬馬奔坐看昏墊失平原西山野老閒無事
日日攜筇看水源

當年此水抵金城大雪穹廬列戍兵恩怨如山都去盡
怒濤何有不平聲

急水飛沙瀉自天龍宮祇恐變桑田老農難待澄清日
自鑿溪頭一畝泉

兩岸魚罾面面開鯉魚強項獨罹災此間不是龍門路

如此風波爲底來

義犬

有犬死中野，饑雀啄其肉。羣犬環守之，雀近輒追逐。感此動中懷，呼僮爲掩覆。因知惻隱義，其情通衆畜。王子充良知，范公重收族。擴此理天下，地平萬物育。在禮有明訓，葬親限期速。漢晉不葬親，不得食君祿。何時此律刪，停匱遍山谷。人豈犬不如，我欲補刑牘。

秋夜獨坐

無定河邊秋月明，水聲蟲語共淒清。辭家烽火餘魂夢，訪舊天涯半死生。九折風塵牛馬老，幾時郊藪鳳凰鳴。

蠶鹽歲月儒生分但願茅檐臥太平

鄒岱東明府示九日詩即答其意

時同塞桑乾決河

渟渟遠水逗秋光立馬沙隄柳萬行何限秋風何限思

十年客裏度重陽

五臺山上雪光明雲表皚皚照晚晴可歎玉門關外路

北風如水客長征

僕僕應憐我馬臚授衣三度老金臺憑高為羨將雛燕

新自江南萬里來

太夫人上年南旋建德舊居

桑乾飲水誓澄清茅屋宵深話短檠各有雄心眠不得

夢回絡緯似雞鳴

九月渾流已見冰霜天馬足更超騰與君別作茱萸會
要上恆山最上層

早行擬劍南體

月黑霜高夜四更一燈黯澹夢忪惺鷄聲老屋人煙密
馬足平沙海日生
薄雪初晴曉霧寒茅簷曝背老農歡風清場圃家家靜
天淨雲山面面寬

瓶梅

猶是羅浮夢裏身清標未肯逐風塵樓居高士常離地
壺裏仙翁別有春幽榻只宜書作伴明窗好與月傳神

瑤臺瓊室知多少愛爾冰心對故人

灞橋幾日獨尋芳分得春風到草堂但覺軒窗添雅韻
不霑雨露有餘香冰壺月印心俱澈紙帳魂清夢亦涼

惆悵玉人離別久相思誰與問江鄉

滿袖馨香欲寄誰天涯千里共相思折來姑射山中路
供入林逋水上祠小閣琴樽添興遠疏簾風月度香遲
孤芳寂寞何人賞惆悵梁鴻寄廡時

武清道中

寥落村墟不近城黃沙慘淡與雲平老農身世猶能說
家是前朝驃騎營

荒郊無樹鳥飛稀一望茅廬水四圍擬掘草根調餓殍
層冰滿地雪花飛

宣防舊堰利猶長歲歲緡錢孰主張但使芟芻填蟻穴
不須辛苦拜龍王

午夜猶聞車馬馳黃塵滿面素衣縉京華此去無多路
停轡何妨住少時

安肅縣元夜

同治十三年甲戌三十八歲

一路銀花滿樹枝冰橋曾憶折輪時萬家歌舞團團月
獨向征人照別離

汲水澆城戰士亡昇平兒女換歌場汴宮泯滅金都改

贏得金鏡唱六郎宋將楊延昭守遂城天寒汲水灌城成冰以禦敵攻卽今安肅地

立春

薊門楊柳又逢春
輾轉風塵萬里身
好夢難尋醒後客
清時偏樂劫餘人
飛鳴吾黨騫騰易
哀樂中年感觸新
一飯報恩愧知己
征軺愁對溺饑民

夏夜獨坐

萬夢酣沈月落西
蟲飛攘攘屋陰低
百年有債千憂集
一枕無心萬事齊
途倦棧驢貪夜臥
露涼水鳥報更啼
明星欲退紅塵動
多少征人困馬蹏

金鐘河工次有感

棋到艱危局更新蒼茫肝膽見何人情親轉覺言無力
事急方憂疾在身時勢興衰隨氣運勞生俯仰困風塵
黃山聞說多靈藥歸去何緣二仲鄰

不受人憐天不憐孤蹤萬里泊遼天身如出岫雲游漠
心似經秋水退川王粲浮沈傷亂世謝安哀樂感中年
海天寂寞成連遠獨立蒼茫眺晚煙

爛額焦頭敢道功當時舉袂話難通世緣於我何曾薄
午夜評心本至公萬古江河趨下澤百年人世幾春風
爲身爲國都無補虛負韶光馬足中

金鐘河雨後寄劉芝田觀察

蒲葦冥冥鷗鷺飛荒寒雨氣透重幃海枯不見魚傳信
春老休聞鳥喚歸天下幾人同患難年來十事九乖違
丈夫未死猶難料欲把長戈挽落暉

通州平家曠工次

蕭蕭窗葉忽驚秋風雨頻添客裏愁山霧暖藏龍子臥
潭星涼見蚌珠遊幾家秔稻如鄉國百里雲霄望帝州
客路欲歸今更遠塞鴻飛處怯登樓

慈雀

天寒空林雀呼饑老雀覓食歸來遲有蛇入巢吞其殼
繞林哀噪不忍離須臾忽引衆雀至羣飛啄蛇蛇委地

蛇死頓供衆雀飽得喪循環報何異我家江南嘗苦兵
人啖人肉骨縱橫人心不古天降禍至今父老猶吞聲
我作此歌示人子養育恩深同一理區區口腹何多求
勸兒見獵休心喜

甲戌生日友人吳贊臣太守查曉峯大令招飲天

津酒樓

多君樽酒慰離思浪迹江湖兩鬢絲四海難逢知己集
百年幸睹中興時送人作郡尋常慣教子傳經紹述遲
擊罷唾壺聊妄語封侯原不藉毛錐

西風遠水起驚波何日微陽轉太和往事每思魚縱壑

餘年已幸鳥逃羅啓期三樂漫相慰平子四愁還自歌
獨撫韶光私自問此生是否未蹉跎

早春郊行

光緒元年乙亥三十九歲

冰泮土膏潤鄉村穡事先晴嵐濃似絮沙路軟於綿白
積陰崖雪青橫曉市煙柳條眉漸展鶯語舌初圓淺草
遊羣犢和風送紙鳶澄清蘋泛沼嫩綠齊生田鵲噪來
何喜雞占競問年勸農休用使耕鑿樂堯天

入都展覲途中作

十年早作歸耕計今日緇衣尙染塵蹭蹬壯心風退鷁
艱難餬口鳥依人嬾雲出岫難成雨小草逢時亦自春

席帽乍拋憐志事
虛將名籍達楓宸

擬榜人櫂歌

下水應嫌上水遲
旁風究比逆風宜
看花那遇花開日
賞月難逢月滿時

團團明月照皇州
照見郎舟照妾樓
妾夢常隨明月轉
郎心莫像水東流

走盡天涯閱歲年
人間何事不論錢
天上無雲不作雨
湖中無水不生蓮

三義河口小園家
歲歲花開來喫茶
多謝園家識人意
不栽松柏只栽花

五山詩集卷一
三
家雞逐去傍門栖養雉三年東忽西人有親疏物有性
休將野雉當家雞

有酒有肉朋友好無衣無食家人羞炎涼世界一般樣
天上烏鴉無白頭

莫用機關莫乞神橫財不富命窮人田中拾穗堪一飽
夢裏拾金那是真

村夏晚霽

癡雲拖屋黑返照射苔黃戢羽雞聲靜騰腔蛙意揚雨
催林果墮雷起菌莖長向晚兒童樂連翩浴野塘

立秋日雨後

一雨生秋思庭階逗晚涼天高新月淡日落暮山長歸
計何年遂關心卜歲穰江南好風景無夢到滄浪

明長陵

松柏擎雲滿岫陰至今王氣尚沈沈遷都守塞尊三輔
伐虜攻心媿七擒峻法易摧忠義氣諛詞難掩覬覦心
明十三陵惟長陵有功德碑碑語敘當時不得已起兵清君側意惜貂璫種禍深

明思陵

壽山西去短岡西禾黍離離古木低寢殿虛無成藁葬

思陵崩後昌平州吏目與鄉民覓尸浮葬

忠璫烜赫寵宸題

殉節太監王承恩墓在陵側封

植甚固御天心慘淡兵荒擾國步蒼涼舉錯迷南渡兒
題碑褒美

嬉能幾日孝陵風雨夜烏啼

秋霽隄上

一雨千峯淨天高木葉疏霜清初熟稼水冷欲歸渠
是秋

永定大道有隆替吾生共卷舒冥心隨遇好不必問樵

漁

平家疇
北通州地

禪堂長晝靜屋角綠陰重風湧泉聲急雲歸雨意慵泥

途朝趁市麥碓夜喧春望歲占晴思殷勤過老農

水合兩川一山環四面三蟬鳴雨後樹龍嘯月中潭戍

古秋雲冷禾深曉露酣耕田足衣食那解說廉貪

永定河三首

力苦邱山徙思深神鬼通萬夫一呼集片刻九河東閱
歷多盤錯詢謀每異同迴思負薪日魂夢尙忡忡塞決
天末陰雲重宵涼宿鳥驚夏日在蘆溝橋望太行西北
陰黯天氣轉寒三日內大水
即衝波如倒海烈火等防城履險都忘命呼天但祝晴
艱難過白露簫鼓賽神明守漲

十里一茅莊長途手倦韁風聲山岳動天色水雲黃沈
馬年年事哀鴻處處傷補牢原未晚誰肯惜亡羊巡隄

霸州道中

光緒二年丙子
四十一歲

五代舟師此伐遼千秋猿鶴不堪招人間恩怨何須問

界水成田海駕橋宋時塘灤今多淤成沃壤五代益津關以東為海口今霸州抵大沽海口

三百餘里矣

過易水

秦凶正焰豈能摧易水衣冠感俠才自是時人論成敗

黃金臺後更無臺

山東河上

七年苦行役兩度到河湄春日班鳩店秋風黑虎祠皆地

名獨山遊騎遠汶水送舟遲久歉民防亂長貧吏亦疲

如何胥溺日竟忘積薪危極目川原蕩傷心婦子離補

天終有石填海竟無期首鼠如持兩其魚恐莫追南應
衝泗道北慮犯畿陞天子憂民日蒼生望澤時芟楨薪
可屬璧馬禮應施自愧無三策徒傷對子遺鐵門空涉
險銅瓦漫循涯腸斷河梁月年年照鬢絲

登岱

天風浩浩掃餘炎矗石巖巖勢靜嚴千里何人瞻匹練
萬峯如浪湧羣尖陰陽齊魯提封在河海東西映帶兼
七十二君消滅盡樵風牧雨到茅檐

巍巍西向壓恆嵩天地中無更比崇元氣滋生人頌母
明禋享報禮先公眼前雲海三千界脚底松濤萬壑風

封禪聖明原不事省方幾次獨巡東

層層樓閣樹千章誰撫殘碑叩漢唐地闕東南無界限
星分氏角接蒼茫虹垂海外知何國日起更深照上方
汶泗西流天有意中原千古濟輸將

謁孔廟

殿閣沉沉檜柏遮樞衣禮肅思無邪詩書已見通西國
天地常存此世家頌德羣碑如畫日尋芳古杏尚餘花
舞雩風浴城南地芳草無人一徑斜

謁顏廟

高牆數畝宮古柏欲擎空輅冕才難用簞瓢樂在中百

年誰上壽一貫獨先通
簪黻雲初盛應知吾道隆

謁周公廟

丰神奕奕古鬚眉
想見憂勞作相時
三載斧斨家國恨
六官經體帝王師
風雷天使賢君悟
吐握人餘後世思
祀典煌煌家法在
莫將門祚論興衰

少昊陵

遙想金天氏清陽
日月新古書創鸞鳳
大樂感人神九扈
官名鳥高墳石蹙鱗
治功齊太昊千載肅
明禋

大風

白日忽黯慘遙聞萬馬聲
婦女呼雞犬家家閉柴荆
須

與天半黑颯雜千山傾我軍適在道瑟縮馬不行艱難
覓破屋人馬聚一楹飛沙射簷隙屏息兩目盲飈馳神
鬼怒雷轟天地驚陰陽鑿混沌真宰莫支撐冥坐忘生
死惡夢搖崢嶸五更風小息覷眼窗月明我僕牽我馬
相視慶更生

東明荒莊

我行見荒莊中有百畝塘村民繞塘住亭亭植垂楊塘
上新茅屋塘底見高牆借問此何故父老告我詳咸豐
五載夏河決銅瓦廂國家急兵事千里失宣防我村恐
漂沒築隄爲保障隄外日淤高隄內水洋洋新屋視舊

屋相去三丈強可憐失巢燕猶覓舊日梁去年丁中丞
疏築衛一方流民漸來復塘側謀耕桑逃死無樂土還
家親戚亡麥苗稀欲槁泣對沙茫茫我聞此語悲撫綏
謀難臧何人挽狂瀾爲民起瘡瘍

早醒

早醒身慵起勞骨甘艷餽默數遊歷遠渾忘日月徂素
衣塵未浣纍纍蝨生雛禍患中所忽宵小起近愉痛肆
一朝憤安能絕根株人生要有忍萬事乃可圖

過荏平有感

泉冷魚遊稀花暖鳥飛樂萬物生陽和人情厭寂寞男

兒一墮地動爲婚宦縛賢愚少適意種種鬢毛落富貴
賦之天每爲巧者攫茫茫蒼天高此理誰與酌

宿高唐州

月明街宇靜萬夢寂無聲北風條然來窗紙鳴鏗琤嚴
霜皓如雪茅屋橫崢嶸策馬誰家子忍寒事宵征腰橫
千金劍氣欲馘長鯨古來賢達士十九在躬耕世人無
遠識徒矜竹帛名

長垣道中

村村阡陌路相通黃土牆低屋半弓垂柳清疏紅杏瘦
蓬門各自有春風

夏夜泊張秋鎮

雨止蛙聲起林深霧色昏
熱星天競沸新漲夜逾喧
旅困原吾分歸程敢細論
丈夫四方志不盡爲酬恩

四十自壽

四十無聞後可知此生直恐老
藩籬舉樽北海嫌空酒
種豆南山嘆落萁祇有疏狂宜
隱市况無奇策可干時
浮沈不遇庸何恨耕稼原爲分所宜

塵土頻年浣素襟韶光徒自惜
駸駸屢探虎穴魂猶悸
動拂龍鱗口欲喑年少之奇傷
達懦命窮方朔歎浮沈
抱關寄食原常事終愧因循戀
棧心

衰宗宅土已千年父老多情盼日邊
安得椎牛膳長幼
虛教舉火望鄰媪
陳羣世德慙卿長
范氏家風重義田
不博科名非嬾拙
欲留餘慶待兒賢

但求菽水樂晨昏
迎養明春發故園
富貴那隨人意至
飛鳴難與少年論
塞翁失馬甯非福
鄰屋瞻烏亦見恩
樂事無多憂事免
此生無意掃侯門

十三就傅廿從軍
忽到桑乾眺夕曛
嘗膽只期天悔禍
焦頭何意帝酬勳
金莖有露臣難飽
殮璧無私鬼亦聞
屢欲發棠難再復
可憐馮婦尙慙慙

觴詠秦淮往事空
無端投轄滯江東
本來去就無私意

恥向塵埃剖素衷路到絕時偏得地天生吾輩本非窮
湖山難忘南朝勝早已誅茅待寓公

同學凋零半劫灰十年離亂尙餘哀人方逃死天偏雨
我正攜家賊適來力薄未能援戚里生全幸比到蓬萊

菊江梅嶺桃源路尙欲尋蹤弔哭回

余咸豐六年避難彭澤九都山中全

家僅以身免姻族中遭難者極多

頭角髻年許出儔河汾問字六年秋每逢暮雨常留飯
爲念家貧自減脩鷄酒何時重酌墓龍泉無分覓封侯
侯芭尙抱冰心在清白無貽長者羞

謂袁家山王介和師

玉峯山下歎無禾意欲重尋安樂窩訪友何妨城市近

力耕要使土田多兒孫一藝免求世人壽百年難俟河
無業不歸原妄想未聞巢許覓巖阿

秋日過桃花寺

光緒三年丁丑四十一歲

落日蒼黃野色昏亂鴉聲急赴前村荒田退水魚蝦賤
秋稼登場鳥雀喧萍梗自傷天地窄香煙徒見鬼神尊
湖波閱盡興亡事歲歲寒潮到舊痕

趙北口舟中有見

火雲飛素空炎景午更烈維舟橋陰下解衣濯澄澈高
車黃塵道迎送禮瑣屑手版候日斜紅燈照夜徹烹炮
滿廚傳蠅蚋肆貪齧主人苦供張偃僂饑欲絕萬錢不

下筭一揖乃告別相屬果何辭冷耳不曾熱寒暄各有
時趨舍毋乃譎傷哉夷門客窮老守孤潔

讀史有感

孔聖善教人憤悻乃啓發齊饑豈不重請粟弗再謁銜
玉雖愛君三獻適取剛感恩固宜報知己情乃竭知己
非其人忠言聽亦忽豈惟聽之忽讒者反齟齬窮途一
盂飯冤獄至銷骨以死酬君心君心杳秦越

栢棧

光緒四年戊寅
四十二歲

栢棧淒涼雨拂幃青山依舊繞茅茨千年喬木存先澤
十載戎旃悵遠離祿不逮親何必仕書能遺子在求師

蓬門亦有平章事補屋牽蘿未敢遲

己卯八月初九得一孫九月十八復得一孫

光緒五年

己卯四十三歲

四十三年抱兩孫衰宗猶喜見枝蕃祠堂奠酒親含笑
繡襖盈筐客到門他日功名誰絕足清風世德早培根
傳家只有遺編在堂構殷勤與細論

余遭內艱庚辰秋已服闋矣擬終老田里不復出
仕辛巳三月洪琴西都轉約我東游適接天津
如冠九都轉之信復辭南就北臨行感愴因賦

光緒六年庚辰至九年癸未四十四歲至四十七歲

拜別祠堂涕淚流
椎牛何日返林邱
遇非知己官無補
仕到因貧志可羞
鐘鼎豈能當菽水
貂蟬未必出兜鍪
傷心弧矢承先志
虛負春暉二十秋
空谷蹉然聽足音
使君期望抑何深
潛魚縱壑須乘浪
飛鳥營巢故擇林
蓮幕逍遙聊寄食
豆羹去就豈無心
餽貧不必糧千屨
珍重蘭言抵萬金

再赴直隸

山居無夢到長安
一紙書來見肺肝
萬事轉頭公論在
四方屈指俊才難
高情聊借陳蕃榻
多事重彈貢禹冠
爲感吳淞劉越石
片帆相送渡晴瀾

時劉芝田觀察
爲余買舟北渡

辛巳六月攝理天津海關道印務

蠻語難通海外州書生恩遇若爲酬重臣移鎮茲萌折
上國懷夷禮數優但使干戈成玉帛何妨讎敵共乘舟
此中輕重難平準揚激還應視上流

寰瀛今日若比鄰萬國共球此問津三輔當衝大都會
六官分職小行人安能帷幄籌前箸愁向屠沽算折緡
物力艱難臣略悉敢將征權困斯民

喜洪琴西都轉赦還入關過訪卽用冰天春霽圖

原韻

津門春融雪爛斑天外故人忽叩關把袂悲喜如在夢

涉世禍福無端環尙有餘痛念朋友自擬閒身放湖山
聖恩高厚行起用莫嘆鍛羽倦飛還

正月二十八日琴西過談復用前韻作二歌勸飲
兒女牽裾淚痕斑荷戈六月遠出關朔風吹寒塵撲面
平沙渺冥天低環寄書不達滄海遠飛夢時繞宛陵山
我歌一曲君且醉此樂何如衣錦還

晴窗悲鳴鷓鴣斑一笑放爾出城關好生自是體天道
微臣敢望報啣環世事前定怨何有但感君恩重若山
浮雲富貴何足道冥冥報復相往還

起四句用琴西在揚州都轉任內事

題劉景韓觀察詩集

南徼烽烟冷薜蘿中年哀樂足悲歌親朋踪跡團團少
秦蜀山川感慨多傷亂官如元漫叟迴文人比竇連波
功名到老知何限此集琳琅已不磨

題劉薌林親家少年策馬從軍圖

躍馬吳郊氣欲吞當年壯志與誰論滄桑莫嘆鬚眉白
彼此生兒又抱孫

幾時歸隱舊巖阿春草王孫別恨多海上風濤關塞月
此生原不算蹉跎

辭關權後知交有疑之者作此示之

光緒十年甲申四十八歲

物情忌高明世路趨肥濁平生守貧志常懼萌謠詠况

爾齊竽濫東郭夙未學輾轉已三年清白幸未斲安敢
迷忘歸濡首不自濯

世人憂貧乏勞苦爲兒孫爲問兒孫賢幾人守田園兒
孫苟不肖益使神明昏况乃官所得民力與君恩無以
報國家祇圖充寒門吾恐寒門充賈禍及後昆

吾聞大母言歲饑不果腹除夕祀竈時抱憾無酒肉吾
父性慷慨辛苦寡積蓄吾母生勤劬負汲忘櫛沐小子
出門年欲博養親祿命也不如人終身有餘哭吾食忠
厚報豐食而美服安敢墮先德不爲惜後福

君子食君祿貴能行其志苟安忘其初非貪竟何意貪

祿亡報稱與盜曷以異三年鬢欲霜所補竟何事旁人
謬稱許清夜慚吏議

家世無逋負從未受人恩小子頭角伸獨立無攀援年
來親戚輩分潤饋餘膳苟聽親戚言祝我比鵬鯤貴賤
在天命行止自討論偷閒安我拙庶或老邱樊時人目
高尙咄咄使我冤

甲申七月海上作

時法越構
釁未已

國恥要當雪國仇要當復貴在操勝算不在騰空牘書
生執安攘動言懲非族焉知武備弛逞忿適取僂大官
老於事持重徒鹿鹿桑土未綢繆外侮何由伏兩者互

水火爲禍但遲速苟能臥薪治十年如樹木雖無眼前
捷他日功可卜何當兩見融爲推萬里轂
中華昆侖東地大物復博百貨資懋遷奔走遍戎索聖
祖寬大詔柔遠何落落疆吏不善承寬嚴每失著庚申
一戰罷要立城下約昔者吏虐夷今乃受夷虐西夷爾
何能謀利無矩矱峨舸載巨礮四海肆作惡中國武備
修十年可等略所望馭英賢勿爲文法縛

有感

溫公用人法先德而後才苟無忠實心多才爲禍胎當
道矯其弊反向愚陋推硜然守一節焉足談九垓天地

不藏寶斯世豈無才所貴眼力超白屋騰風雷徒阻志
士心聲績日凌頽感激欲上書掩涕復徘徊

帝王制禮樂聖人垂彝訓原爲禁民奸詎以覲非分後
世選舉窮開科試策問賢愚豈係此聊使白衣奮乃致
帖括輩終身病撫攬非無賢達流榮身取聲聞十才淪
其九識者增悲忿西夷謀事精物理考斤斤彼誇有用
學視此爲土糞

治水

五行水屬智惟智能治水大智如無智專視水行止人
心與水一水自聽指使豈人能使水乃水自使耳滔天

汎濫時水本非得已疏塞失水性水患從此起

壽洪會庵茂才六十

洪君長我年十三我幼兄事學共參十年離亂不相見
夢魂常繞玉峯嵐憶昔倉皇痛分手風塵瀕洞迷東南
我悲從軍君避世生還已分力不堪滄桑百變人世改
君歸高臥林下庵讀書琅琅深屋裏眉豐髯美髮鬢鬢
排門禾黍生事足繞膝兒孫樂意含少時身弱苦多病
老來味道神耿耿四方遠近稱長者亦使薄俗羞頑貪
我欲告歸隨杖履苦恨自縛如春蠶官書滿几兩眼闇
時憂掣肘心惓惓世俗但分窮與達誰辨其中苦與甘

我歌一曲爲君壽長齋禮佛如瞿曇山中猿鶴尙相憶
應笑故人顏甲慚

遊唐山觀取石炭機廠

時有議禁礦務者因感而作此

渠水清且漣恍遊江南道雨足禾黍豐村樹綠於葆我
遊唐山下信宿見情好石炭取代薪輪機驚剏造漢唐
重力田礦務弗深討今日田無餘生齒日繁浩乃仍嚴
礦禁忍聽斯民槁况乃民所需金帛輸夷島譬如桑不
蠶歲歲乞魯縞傷哉閩粵民海外塗肝腦

泛七里海

在昌黎縣時
籌邊備過此

積沙枕海濱岡隴紛起伏西留卅里湖清蕩豁心目扼

險提一旅萬騎不敢撲土人足魚蝦終歲資事畜垂楊
蔭門巷稚子戲相逐夜暖一燈明百蟹競趨籠謀生術
誠巧竭澤毋乃蹙羣動日相欺強食困弱肉大哉聖人
道服人使自服

與盧龍張恭和大令謁夷齊廟

獨石障洪流高台凌絕壑崇祠石崖上寂寞可羅雀我
來秋雨霽寒風起叢薄凜凜清正氣頑夫望猶却從古
亂賊生情因迷好爵至道有經權常爲僞者託夫子拒
新朝介然何趨躒此心孤日懸千載尙落落賢宰薦蘋
蘩餒餘亂盃杓遙望首陽山夕陽逗崖嶠

登碣石

清晨登碣石濃露猶滴林棗實已纂纂覆檐十畝陰山
頂天橋柱古人遺足音茫茫大禹跡何人爲追尋平沙
渺以遠滄海阻且深滔滔不可挽惜此牛蹄涔一葦將
何去感歎發長吟

山海關

長城何巍巍聯山跨水涯百步一礮臺十里一官衙荒
苔蔽石磴枯樹鳴寒鴉戰魂杳何許驚風吹黃沙勝朝
繕邊備力比秦趙奢讒間時內鬩勝於外侮加南塘不
終任戚繼光李氏李成梁及其子如松如柏世其家傷哉熊廷弼孤憤

遭衆搗痛哭帝閤遠朋黨相掄擲忠名雖不死身死亦
可嗟至今戰場上春草不萌芽

出山海關

當年關外判山河誰向橫流挽逝波朋黨半從科第起
彈章繁比戰書多錦衣獄急官如草皮島人降士倒戈
却歎路旁望夫石年年風雨泣烟蘿

臨榆道中望長城

太行東走轟雲霄嶮礧長城界薊遼碧血餘腥含草木
牙幢遺址換漁樵田侯不賣盧龍塞秦帝空填渤海橋
今日東防重西北漢廷誰繼霍嫖姚

往黑巖子中路宿王莊見災民甚苦

中秋碣石月無光重九越支菊斷觴寒雨晚林人閉戶
冷烟孤店客求糧秋禾潮偃百千里估舶時通三兩航
聞道長官膺上考三年曾否莅荒莊

小憩

半載關山馬足隳茅檐小憩拂炎埃長途苦比熱官樂
午夢酣時無客來

行海濱漁父贈魚

出水時鮮堪佐盃晚饑慰我比瓊瑰平生一飯非人力
得失都從意外來

題邱履平少尹詩集

履平奇男子血性獨異人手擅文武藝足踏萬里塵功名富貴豈難致誰爲知己報以身年深匣劍蛟龍吼奇氣吐作詩千首酒酣彈鋏爲我歌颯颯寒風吹戶牖我別履平二十秋英姿如昔雪盈頭風塵百折人世改何期滄海復同遊滄海連天波浪惡旗幟蜿蜒徧沙漠丈夫有志天可回乃使英雄受束縛嗟嗟男兒一窮見風骨乘時雲雨亦倏忽誰憐馬上殺賊雄付與閒曹弄風月銀臺大夫開幕府時吳清卿通政奉詔募兵昨聞奉詔召羆虎願君投筆樹一幟手馘鯨鯢報聖主

旅夜

偶傷醉飽夜眠遲
梧影垂窗月半規
宿草故人消息斷

何因把手夢來時

纂集道光以來通商各國條約書成感題
光緒十一年乙

西四十九歲

驚心五十年間事
盤敦干戈幾變遷
前轍後車非鑒遠
徙薪曲突在機先
市船可算非無術
琴瑟難調應改絃
氣局日新誰遏得
盛衰莫盡諉天緣

讀袁爽秋農部詩有感

紅塵十丈人如海
展讀新詩眼為明
江上釣絲牽客夢

酒邊吟管帶離聲車輪碌碌青春老案牘茫茫白髮生
擬約丁沽看柳色登樓恐惹故鄉情

丙戌四月醇親王莅天津巡閱北洋水陸各軍余

充總理營務隨軍襄事役畢感賦六律

光緒十二年丙

戊五
十歲

海國妖氛散憂危廟略宣名王新閱伍大將久屯田艦
激風濤壯旗開島日懸羣酋爭拜舞喜氣幸甘泉

百戰中興後巖疆久罷兵諸軍爭負弩聖世重干城金
帛分棚賜氎裘肅隊迎應憐襄鄂老圖像上承明

恩詔從天下三軍喜共呼誰憐瘡裹甲猶怯謗成書重

譯傳雄略羣歌隘廣途軾蛙心可見訪士逮屠沽

自古滄溟險如今化坦途閉關難臥治徹土勿遲圖欲

建非常業寧教俗例拘姬公負辰日九譯舞天衢

三輔咽喉地樓臺十萬家衣冠聯島國衡宇接京華設

險千年計宣威萬里遐要知憂國意清夜聽悲笳

華蓋明星緯先覘紫氣臨欲迴天地運如見吏民心慈

極嘉謨入黃圖後計深他年佳話在遼海遍棠陰

曉出郭外

時法越構
覺初平

溼雲蒸日出曉郭沸人聲水市魚筐滿沙隄馬足輕時
艱難作吏歲熟若忘兵郊壘多平沒春農正樂耕

其二
六載關門尹勞勞鬢已皤官書夷漢雜樽酒送迎多得
失雞爭粟行藏蟻附柯欲歸歸未得歲月愧蹉跎

長子學海以拔萃科應朝考未取前列頗不樂作
此示之

美境當存退步思綴名拔萃已非遲奪標亦恐爲郎老
捧檄方知作吏卑隨分詩書原有福逢時勳業亦何奇
男兒得失尋常事志向先從遠大期
苦雨
赤日破雲紅半塵忽然天黑飛霹靂龍公老手亦失機

欲求轉環失過激我屋雨漏床屢移十旬病溼蝸沿壁

東鄰牆塌兒遭壓近事南畝禾飄婦抱怒推窗望霽溼雲

飛庭樹搖風送餘滴年年賑貸司農憂况復防汛如防

秋捐金輸粟豈至計徙薪曲突誰爲謀夜深雲收月華

吐遙聽溪流繞烟樹城南白浪大於山何人爲唱公無

渡

丁亥十一月以卓異入都展覲歸至保定感述五

犬彘律光緒十三年丁亥五十一歲未嘗識民計

匝月觥籌走帝京歡然握手若平生愧無時事徙薪策
虛辱公卿倒屣迎世路腥羶慚宦味侯門冷暖看人情

巋然却羨前丞相獨樂園中享太平

寶佩衡相國鑿年八十餘風姿健爽

論事明決如昔

其二

樓閣沈沈曉月妍午門鵠立待傳宣
身家天語承重問戎馬臣勞忝廿年
內侍開簾瓊宇靜尚書捧簡玉班聯
殷勤樞相呼名奏敢道親藩爲舉賢

其三

神京西北水雲區劫後春風土未蘇
小闢荒蕪聊點綴爲承色養助歡娛
射堂講武風生樹戰艦鳴笳月滿湖
自是聖明不忘武一游一豫見雄謨

昆明湖建離宮數所並起武備學堂

調輪船礮
船操陣

其四

兩度辭官未脫官恩綸再著惠文冠同時流輩飛騰盡
顧我疏慵引退難父老相談猶感舊孤貧聞信更增歡
頻年却愧劉公幹海嶠孤羈耐歲寒

劉薊林觀察含芳
資勞亦二十餘年

尚未
補署

其五

朔風吹雪點征裘一路看山到保州雞酒故人頻慰藉
鴻嗷大府重咨諏羽毛依舊投梁燕風浪經多泛海鷗
今日思歸歸更遠鄉園東指析津樓

雪後早行

燈火微茫曉月殘朔風凜凜雪漫漫羸驂步慄層冰滑
凍雀聲暗萬木寒障日雲頑如作雨出山泉暖尙生瀾
受恩容易酬何易僮僕休嗟行路難

文因... 易... 木... 製... 器...
 不... 音... 高... 木... 寒... 刺... 日...
 火... 燄... 下... 燄... 燄... 燄... 燄... 燄...
 燄... 燄... 燄... 燄... 燄... 燄... 燄... 燄...



成

公

雪... 早... 吟...

心

玉山詩集卷二

皖南建德周馥玉山甫著

男學熙全校

學輝

暑日途中

光緒十四年戊子五十二歲

返照籃輿裏炎風六月天
農家方歇午高枕柳陰眠
槐蔭午風涼行人此釋擔
急行枉自勞遲行抑何憾

京寓雜作

敢謂公卿下草茅衣冠隨俗未能拋
不爭見面爭投刺留得心交勝面交

一月京塵衣化緇敝車羸馬路嶽崎秋風秋月多離思
日赴朱門弄酒卮

老馬

天街一雨沒腰泥驥子龍孫氣亦低不是老來筋骨嬾
久經歷險怕伸蹠

李蠡純檢討訊旅順風景占此答之

北榦西分渡海山飛輪遙指白雲間朝宗萬派瀛寰水
此是神京第一關

四山霧起知風發九月雲陰見雪飛共道今年天氣暖
征人三伏著春衣

軍容如火照瀛洲白髮元戎十載謀蛟鱷爪牙應自斂
電霆終古護神州

光緒十四年三月升授直隸臬司六月陞見旋奉
醇親王奏留襄訂海軍章程至八月竣事九月
初三日出都

九月初三夜皇都第一程殊恩方拔滯多難亦成名韜
略慚難繼魚龍喜効誠賢王神武在洗眼看澄清

溫語欽慈極堯庭獨對時臣心三月瘁令典萬年垂天
使鴻荒破人須故轍移飽騰看士氣十萬壯熊羆

章程雖奏

明定案惟兵艦尚少不足自成一軍應
從速添艦練兵已於章程冊端敘明

畿輔提刑重行軍司馬尊敢誇中執法欲使下知恩常

章程奏准

聽雞聲起甯同狗尾論中流誰擊楫簪笏溢龍門

後提督至千把授實職者二百餘人

光緒戊子鄉試揭曉長子學海中江南舉人次子

學銘中順天副榜詩以誌喜

善門餘慶繆前知好學髫年自得師吳下白門常並馬

江南冀北各揚鱗副車能中欣非誤三戟同穿恐太奇

是科四子學歡喜忽增風木痛重幃不見策名時

熙卷亦堂備亂後千家百不存幾家遺福到兒孫長安鶴俸休嫌薄

學海登乙酉拔萃科因捐餉議敘先代牛衣尚覺温家

得補內閣中書今屬其回京供職

自唐咸通年中丞公由邑之周家山遷居
紙坑山千餘年間列科名登仕版者寥寥
多難猶餘妻
子淚余自咸豐六年避難彭澤山中後又避於安慶江
上壘更粵匪土匪官兵之亂艱苦困折幾無生理
憶出門時妻負長子學海榮歸同沐聖君恩
余時升直
臬奉旨准
送余半里蓋不啻死訣
假一月回籍省墓學文章孝友家風在中丞公為咸通
海亦自金陵返建德
十哲當時人稱
孝友余以孝友名堂欲勵努力期高里閉門
子孫崇德業繼前徽也

自沽口至芝罘風浪險惡余眩吐幾殆抵岸後戲

述其事

黑風吹浪轟如山日月無光霧氣頑水潑舵樓冰打面
征人轉折半牀閒

萬斛輪舟風葉輕忽高十丈忽如傾行人眩暈渾如死

嘔盡心肝欲絕聲

阻風沽口暴期遭得駕乘時欲逞豪天地無心聽趨避

枉誇忠信涉波濤

輪舟名
駕時

衣履渾如泛芥舟主奴僵臥不相謀雷霆瀕洞風如吼

艙底猶聞細水流

汗盈頭腦淚盈顙滴水猶澆未死灰一點貪嗔癡不著

聽他唾面自乾來

廉頗入夜矢三遺兒女朝來不泣飢萬事都爲收手日

百年此是息心時

眠巢飢雀翼難舒出水游鱗口尙吐一滴甘泉那得乞

行廚遠若萬重居

瓦甑難全竈突摧賈胡嗜酒亦停杯
籠雞伏翼垂垂死誰復操刀一割來

髮鬢目鈍足欹斜著地如浮眼眩花三日
岸居牀屋動驚魂飄蕩未還家

人道北洋少颶風南成北鐵一航通

山東成山在南奉天鐵山在北晴明

相望浪如山湧天如墨多恐南車術已窮

攬轡有人壯氣伸幾回顛沛吐車茵須知破浪乘風客

自是人間一種人

時有陸營將士欲充水師將官之選者

十年遼海幾經過已遣孤身受百磨人道風波老來慣

老來心更畏風波

乘輪舟遭颶風幾殆入芝罘市訪友

登崖若出鬼門關爲訪知交到市闌拄杖心神搖曳裏
挑燈生死夢魂間樓前烟火人如海檻外風雷浪似山
好作家書報生在別來三日鬢毛斑

大風息逾日海波如鏡由芝罘航海赴滬

暴風過後例無風海色澄清萬里同凡事祇應忙裏錯
快心翻恐吉成凶晴巒如笑千峯出皓月相依四照空
明日申江拚一醉八年我未到江東

還鄉

丹楓烏柏滿郊原策馬重尋山外村衣錦還鄉遊子貴
過家上塚聖君恩釣遊少日蹊途熟雞酒鄉鄰古誼敦
歎息新居荆棘裏春風未掃戰場痕
舉火相依七十家年來分俸惠難賒買田娶婦都成業
挈酒攜漿競迓車剩有遺民談劫火半多客戶藝桑麻
玉峯山下蘭溪水照影應驚兩鬢華

當年傷亂走崎嶇猶憶青燐泣路隅國破難爲巢卵計

咸豐三年正月安慶失守二月金陵亦失

生全疑得鬼神扶垂髫同學今誰

在夾道高門已半蕪拜罷松楸有餘慟敢忘名德繼前
模

赴周家山祭掃途中作

兩面青山樹萬枝
車聲軼軼路逶迤
一肩行李黃塵晚
記得垂髫上學時

當年落魄避兵場
今日衣冠迓道旁
席帽蓬車仍故我
世人眼底自炎涼

六年負笈受心知
鸞鳳曾將遠大期
四十餘年重問路

門生已到白頭時

余年十三始就外傳
袁家山王介和先生

曾聞綽楔表祠堂

余幼時族人曾懸匾額於唐山寺

又掃荆榛起棟梁

寺燬於兵燹至是予復邀鄉族建之

莫怪未衰生白髮
半生眼底幾滄桑

帝命還鄉薦藻蘋
荒溪草木亦知春
周家山裏唐山寺

人道唐賢有後人

唐山寺後祖墓族人失祀多年遂不知墓所在余葺祠堂三楹按譜牒立

栗主以祀先代之葬茲土者

當年勤苦足星霜忠厚傳家卜後昌今日九泉心慰否

孫曾衣錦拜瀧岡

王父母塋在唐山寺西三里馬鞍嶺

恤貧一日散千金百里親朋感嘆深非是沽名非種德
睦婣原爲體親心

嶺上馨香七百春

十八世祖泰星公宋徽宗時爲振武將軍歿葬貴衝嶺巔時顯神應至今

香火不絕歲時牲酒走村鄰英靈不滅青山在血食何嘗藉
後人

破屋炊煙遠近村當年留客意温存可憐亂後親朋盡

爲問幾家遺子孫

還鄉晤親友感述

嗟我同時人見面皆老醜
兒童忽強壯耆舊傷邱首
五十未稱翁滄桑如反手
嘆我書屢上告歸志未偶
非敢戀榮利知足保忠厚
誓逢周甲年歸作垂綸叟
爲告玉峯靈此語期無負

日者言我壽七十有二歲
四月廿四午我乃謝人世
此語何敢信修短聽所詣
傷予寡陋資徒負駒光逝
功名豈無心十事九阻滯
多活二十年於事何所濟
秋風落木多感慨發哀涕
安得同心人撫景相激勵

過揚州

十載平山發醉歌

予己卯過揚友人陳伯奎大令觴我於平山堂今十年矣

片帆今

又逐雲過城經劫火無喬木水帶黃流捲急波

時鄭工尚未合

龍澤國魚鹽商客利高樓絃管寓公多年來耆舊知無

幾停棹殷勤訪薜蘿

謂魏蔭亭程尚齋兩觀察林綬卿廉訪

過淮安弔韓信

淮水橋邊漂母祠遙憐胯下衆咻時丈夫忍辱尋常事

不到真王人不知

灞陵呵止有何羞韓信偏容少日仇自是英雄能大度
塵埃那易識王侯

過清江浦

借黃濟運運隨淤當日權宜術本疏卻羨潘公灌塘法

自留金鑑未編書

灌塘之法先於黃河南淮水來處築一圍隄缺其南面引糧艘泊其中因

屏淮水入塘漲高開其北面放糧艘渡黃而北蓋河運之役自嘉道以後淮低於黃百計俱窮上下皆困涇縣

潘文慎公錫恩督南河時創此法誠一時權宜之策古無行之者續行水金鑑公手編之書也

河入淮流泗道填中河開後運尤便轉盤不用唐時法

斗米甯知石米錢

過沂州弔荀卿

史記荀卿仕齊遭讒適楚春申君以為蘭陵令春申君死荀卿因廢

沂州古蘭陵也

荀卿奔楚困微官不遇春申亦挂冠千載儒生同一歎

獨持仁義說君難

泰安道中

陂陀起伏路欹斜短日黃塵困客車山渡東瀛餘王氣

水同北幹帶流沙

青齊諸山自奉天旅順口渡海而西乃北幹之支派也

風煙海

岱橫千里宇宙人文有幾家七十二君俱寂寞誰談封禪問休嘉

渡汶水

山川體性似民情順易圖功逆不成若使膠萊河可鑿

不教汶水向南行

汶水所以能使之入泗者以分水處乃地脊耳若當日稍改向北則北流

較多於漕運尤宜時人不知地脈水性猶謂膠萊河可以鑿成妄逞臆見可嗤也

汶水雖通南北舟河防漕務費難酬天心爲國添長算
特遣黃河入濟流昔大學士劉權之綜計河運糧一石費銀十六兩或至十八兩而河防之費尚不在內乾隆以後河防耗費日多工需不足繼以捐例皆牽於漕運故也自咸豐五年銅瓦廂決後運道中梗國家歲由海道輸糧百數十萬石公私節省不可勝計馮敬亭宮允桂芬魏默深刺史源先時已極論黃河入濟之善第河行山東漕事雖停而東民屢苦河患當事者不知所以治之殊可憂耳

長清道中

古木濃陰數百春茶棚瓜擔此爲鄰行人消盡清涼福
誰憶當時種樹人

過濟南

幾畝名園傍市廛清泉灑灑藻衣鮮綠楊城郭江南景

冷日風沙薊北天

岱北諸泉匯濟州濟源原出太行陬誰能細繹桑經注

錯把諸泉認濟流

桑欽水經云濟出王屋爲沆至溫縣爲濟三代上黃河行今之天津則王

屋大行東南西三面皆河所過而謂濟於鞏縣與河合又過成皋陽武鉅野壽張與汶水會豈清伏濁下旣附河而東而又越河而南歟漢唐以後河屢決於金隄濟渠早爲黃沙所掩乃考古者竟以岱北諸泉目之爲濟豈岱北重山綿互不應別有泉耶諳水性者當知其謬也

雪後平原道中

黃沙白草莽無垠陰風怒號捲荒榛積雪滿地迷畦畛
馬蹄欲進徒跋跋野店蔥餅如車輪黃土爲几草爲茵
下車兩足跛難伸索持一盃潤我脣喉乾欲坼口生塵

欲投行李四無鄰忽憶款段尋芳辰羅綺輕踏江南春

作詩為寄江南人

過德州古黃河

按孔穎達疏禹北疏河為九以防其溢又同合一大河是為逆河似

誤蔡沈傳河上播為九下同而為一皆水勢之自然禹特順而導之云此語庶幾近之而世儒

或謂禹創開九河此臆說也因作歌辨正之

既分為九復歸一此功雖成何得失况是海濱瀉鹵地
又拂水性功莫必神禹决不若是愚後儒穿鑿費紙筆
惟因爾雅綴名字不肯傳疑妄證實自有天地有此河
河不兩行人盡悉安能隨意作分合數百里間功獨密
事出有因或訛會九河必非河所出或因南潦疏斷潢

或因北條決堙窒偶施畚揭順其性同歸逆河免泛溢
九河流細無專名同名爲河歸一律後儒讀書矜口耳
治河師此必蕩汨聊爲妄語筆之篇世有知者言可質

冬日早行戲效應試體

行李中宵發凌兢手足僵枕邊殘夢破轅下一燈涼茅
屋烟籠重澄潭水放光林寒猶戰葉星淡欲收芒隱隱
街頭柝稜稜馬背霜樹陰驚突兀鈴語聽郎當趁市人
初起離巢鵲未翔素娥猶耐冷流影照河梁

夢後口占

十載鄉園被寇頻自傷虎口予遺民四方平靖身將老

夢裏猶為避亂人

少年遇事矚機先欲把鴻泥後代傳遇水得橋山得路

此中當自有天緣

臘月初十日天津寅友祖送紅橋別後途中成七

律六首

車馬河橋雪黯天苔岑臭味感離筵半生宦夢依三輔

再客津門又八年予同治十年辛未奉李傅相奏調赴但覺民情猶古意

八年復於光緒七年辛巳起復來津迄今光緒十四年戊子又逾八年矣

何嘗直道少人緣相公不使離羣久尚許戎軒再執鞭

李傅相奏請履臬任後仍兼理北洋水陸營務

抱關幾載候妖烽愧乏軍謀佐折衷

余任津關時適值朝鮮多事法國構

釁煩勞不可言狀

幸及徹桑籌渤海誰能曲突奠箕封

朝鮮國政日非

久必為中國患人盡知之而一時無敢為遠計者

驕夷癡望羝生乳來哲須防

寇屬墉為國富强富尤亟獨傷無計振商農

余欲為津民興利事

甚多皆苦力薄未辦

曾司軍實理煩苛權稅頻經滌宿痾敢以飲冰誇末俗

竟因投杼犯嚴訶

予曾因收洋藥稅事誤被閩大成司農嚴劾褫職旋奉恩旨開復

成全

幸值遭逢厚坦率終防繆誤多薄俸散完雙鬢白此官

原覺未蹉跎

窮乏頻周滯獄清

予累年捐賑捐工所費鉅萬中外交涉案最稱棘手幸自授事以來無積

滯未講堂射圃幾經營天津博文書院課習四方遊士武備學堂教督各營弁兵皆予

手創閭閻暑雨差無怨天津街極窪雨後泥濘沒足行人苦之市多流民五方雜處每

多鬪毆搶竊之案予設碼頭等捐歲可海島風雲應有收經費三萬兩以備修路巡緝之費

情予建議設防助籌兵餉幸醇邸李傅相採納行之威海衛大連灣兩處為北洋停兵船要口最關利害

幾處減徵成永例津鈔關稅重予為折減徵收稍直口三汊河兩卡不便於民余皆裁撤其

三河等處稅卡亦欲裁併竟為三軍挾纊起歡聲道奏例章所拘未辦至今以為恨事

明兼北洋行營翼長乃前任各官與各營不通區區事聞問予亟與聯絡調燮之承上啓下幸皆悅服

業何堪論虛荷喬遷愧聖明予因津關卓異引見後數月即蒙升擢直臬

使節追隨久濫竽予於同治元年隨合肥相國赴上海後復隨赴蘇赴江甯同治十年又調

直隸中間除曾文正留甯四年馬端敏賢王近復採迂留滬二年計先後隨相節者二十四年

疏時艱補救無全策責重勛名豈易圖捫蝨繆談天下
事丸熊誰效古人愚萬言欲上猶停手獨坐聞雞歎夜
徂

爲警貪狼避道行復因腐鼠背鳶爭

余授津關七年計在任只四年餘中

間病假一次署運篆一次奉差巡海一次

簡書竟與初心負富貴何關我輩

榮蒼狗白衣多變態鱸魚莼菜負歸情屠龍未得逢時
技癡抱殘經望太平

己丑九月自天津返保定舟行淀中

光緒十五年己丑五十三

歲

去年此日出京華今日雄關艤水涯雙鬢逢人驚白雪

一生爲客負黃花身羈空羨隨陽雁力竭誰憐綴壁蝸
夜半聞雞時起舞崢嶸北斗向西斜

當年遼宋此分疆今日垂虹十二梁民樂昇平忘戰壘
天教塘灤變杭鄉鴉藏楊柳村如畫魚唼菱花水亦香
漫道饑穰隨歲運斡旋端賴有循良

詠雪戲用白戰法

夜半風初緊侵晨日欲沈靜聞窗紙響清見屋廬深小
市稀逢客連林已斷禽癡雲濃有意流水寂無音雞犬
淒涼色松篁冷淡心霽光明几席寒氣透書琴有麥農
先喜尋梅士苦吟南山堪放獵萬壑氣蕭森

雨霽輪舟渡海

海水綠於油晴雲濃似絮飛輪日千里儼若風可御竊
恐雷雨來倉猝失所據人言海市奇樓閣神仙署美觀
能幾時勿忘來時處

舟行西淀

亂葦垂楊暗遠天平湖落日聽鳴舷夜來忽作江南夢
黃浦灘頭放鴨船

一雨郊原綠可憐家家斗米不論錢年豐雞犬都清福
放膽花陰自在眠

菱角禾多蓮葉稀漁家生計本來微縣官莫報升科急

淺水灘頭且築圍

鄉人於淀中私築小隄禦水謂之圍

斜陽古渡史家莊綠葉成陰柳萬行歲歲東風好護惜
不須人說比甘棠

過定興有借民屋寓予宿者竟夕愁苦不寐

光緒十六

年庚寅五十四

疲馬三義道炎風六月天長征愁日晚小店據途偏撲
面塵三斗低頭屋數椽井泉鹹帶鹽村路澇通船看客
兒童喜投名掾吏先蚊蟲穿座鬧雞犬傍床眠破竈魚
遊釜頽垣蘚在甑蛾飛燈斂炤蝸臥榻流涎倦扇肱無
力沾盃口帶羶敢言賓瀆主真覺夜如年腐鼠何滋味

磨驢自轉旋終宵不成寐凝望曉星懸

光緒十六年六月永定河大漲水由蘆溝橋下北
決淹及京南三百里中旨嚴催速堵李傅相奏
派余督籌塞決七月赴工九月初十竣事歸途
作二律寄同事諸君

自別桑乾十六春重來沈璧祀河神平生慣作焦頭客

余曾於同治十年十一年十二年
光緒元年四次赴永定河堵決倉卒難逢合手人

吳贊臣觀察即余同治年
在永定共事者頗獲益助敢詡老謀抒急難剩憐後輩

見交親同治年間委員如唐成棣朱津潘秋水數君早
歸道山今數家子孫任河官皆能承其家學

鴻嗷徧野春無麥忍爲災黎惜負薪

詔書重疊恤災區海上金錢急轉輸江督曾沅圃官保

費時有謂拋石塞決為便馬上愧無投石力者不知此法欲速反遲夢中猶聽

渡河呼揮戈士衆韜鈴少近年河官諳堆案書多玉檢

無條陳河事者中外僥倖功成甯自慰欲將曲突贊良

謨

東西淀卽北宋時塘灤所用以限戎馬者庚寅大

水秋稼盡沒制府李傅相賑恤備至而塞決之

工自夏迄冬未已憶十餘年前官民於淀內創

築隄埝甚多無非與水爭地旱時多佔地一分

澇時多添災一分舟過淀中目擊災象作此寄

意

塘灤古分界當時恨不深今編畿輔內反患怒濤侵聖
主防川意農氓望稼心魚龍都避舍榆柳漸成陰豈見
升科詔徒捐拯溺金民无先事慮官忘守成箴要爲千
家計須防十日霖更張吾乏力慷慨付悲吟

夜舟

白露濃於雨空濛霧霧前船何所在注問答語偶聞我
舟屢誤道膠淺困溪濱舟人相怒詈篙櫓亂其羣寄語
勿自亂緩行道自分

舟行西淀大風雪

我農盼春雪甚於饑望賑朝來皓盈眸千里春苗潤天
心寬吏責幸此蘇荒饑榜人坐愁嘆寸步篙難進世事
無兩利安能彼此順君子務遠大小人徒僥倖

隨北洋大臣閱海軍歸途成五律

以下光緒十七年辛卯五十五

歲

蒐狩天王禮金湯戰士功鸞書初授鉞龍節復臨戎軍
撼三山震旗張萬里通盱衡溟渤外氣已壓羣雄
鐵甲摧山破銅魚伏水飛奪來神鬼巧算入斗星微旗
鼓通南北雷霆効指揮鷗鵬摩萬里只視羽毛肥
北溟朝萬國旅順是衝途鑿海龍鳴沼屯營虎負嵎四

山雄作障萬姓聚成都牙爪當關踞層冰敢渡狐

我自茹荼苦人思食蠮甘

大連灣本名大蠮灣

徹桑當雨未求艾

恰年三勢已龍頭踞威防虎視耽長城新壁壘幾度路

曾諳

大連灣布置防務余曾參議其事惟恨工未全備耳

威海前朝鎮師船今建營山川歸鎖鑰韜略出書生

謂戴

孝侯

觀察發礮雲開陣登壇雨洗兵相期東海上攬轡見澄

清

奇局開千古勞臣惜寸陰朝廷嘗膽志將士枕戈心規

自賢王拓

醇賢親王

功知元老深韜鈴誰繼起撫劍動長吟

過十方院

旃檀幾輩閱冠裳誰把榮枯問十方予同治十一年過十方院但見破壁

數堵而已歷年葉冠卿史松園劉景韓三觀察相繼修葺旁拓行館數楹始成大觀葉升陝撫史被劾去今皆

歸道山矣野鳥喧晴禾穞熟村童嬉水柳陰涼天清遠浦帆

帆動日落危隄樹樹長塵跡漫言間趣少西來三宿水

雲鄉

子學海學銘同榜登第誌喜兼勛熙淵輝三子光緒

十八年壬辰五十六歲

泥金雙報喜充庭知有重慈帶笑聽銘嗣祖母誰解評

文持定價合肥李傅相先評海銘闡藝人言有子尚傳

經二周芳躅甯追步遠祖繇公唐進士第時稱咸通十哲弟繁公亦舉進士文章齊名

千佛萱幃許乞靈自是貽謀承祖德錯教僚友說祥刑

有人謂予平反冤獄極多故獲是報此俗說也儒者不道

妙筆何嘗屬大魁外官正可練宏才時懷退步心常泰

浪博佳名謗亦來好理宣防追邵埭屬海就中書指分南河同知莫

教風月負蓬萊分鑣各有通天路穩步青雲到上臺

髻齡騎竹重闈喜今日登科我已衰祿養傷余瞻墓木

聲華望汝護門楣從來勤學天無負須屬諸孫志莫移

夜靜家人談往事最憐襁褓避兵時

熙能百步未穿楊熙鄉試屢薦未售淵始彎弓欲挽强才質玉

堂原有分功夫青案莫相妨胸無俗味書方入筆挾生

機氣自昂三載連科應聽捷阿輝學步好隨行

天津至保定途中雜詠

楊柳隄邊萬縷柔往來二十二春秋年年楊柳青如故

隄上行人已白頭

楊柳青在津城西三十里

寒鴉墅裏見寒鴉野水西風三兩家河伯也憐民力苦

盡驅魚蟹讓桑麻

韓家樹一名寒鴉墅有旁皆大澱泊近年永定河水淤成膏壤

楊芬晴港徧菰蒲盜藪年來變坦途長憶國僑稱衆母

可能用猛靖萑苻

界河水淺草萋萋當日楊家按鼓鼙千載尊攘同一念

至今人羨六郎隄

六郎隄在蘇橋之西人謂宋楊延昭所築

蘇橋風月在蘇祠那有甘棠繫去思多少雄才名不顯

祇因身後少佳兒

老泉但食文安主簿俸耳未嘗一日莅官而土人建祠祀之誤也

清河西去孟良營雞犬連村樂太平野老不知家國恨
至今曝背說東征

燕雲已失復誰何塞上年年輸輓多汴水已湮塘灤改

舟人猶指趙王河

大清河旁支名趙王河北宋藏糧渠也

當年設險瓦橋關遼宋賓車歲往還游女不知離別恨
年年花發唱刀鐃雄縣

余兒時見族人業農者終歲勤劬而不獲一飽心
實哀之咸豐間粵匪擾江南我族死於兵荒者

數十人存者十不及一荒田頗多落落十數家
躬耕堪以自給而後生多有不事力作者因追
述前人苦况作詩數章以示警焉

麥欲老時雨如縷冒雨腰鎌裸兩股割來一束釜中煜
姑婦夜舂兒渴乳人家麥熟忙上倉儂家麥熟已斷糧
半納田租半償債耒板未停檢衣賣東家老農憐我飢
手分遺穗供作糜夜深一飽枕蓑臥蚊雷殷殷來嘍肌
三更炊飯四更起入山採樵二十里樵歸擔向市中賣
村婦皆三更起炊飯待飯熟呼夫男起餐畢腰鎌入
山仍裹糧備充午飢迨售薪歸來則星月載途矣 杯
鹽升米養妻子夜來西風透骨寒一家喜躍忘衣單椽

林墜果紛滿地拾來可供三日餐儂家無田分外苦何

用勸農動官府山頭壘石尙栽糧貧人安得一畝土村東

有老林山多橡樹數百年物也嚴冬狂風竟夜村人晨起爭拾橡栗以充飢咸豐末年遭粵賊亂橡樹全毀其

近村石山上前人有於石凹實土栽菽粟者今亦荒頽矣

山居宜種淡巴菰葉鮮味厚價自殊可憐糞田無豆餅

典衣買餅培田腴無衣或且借衣典鄰里痛癢關肌膚

六月炎風天忽雨煙葉沾濡色如土婦子收煙忙若奔

淋浪徧體無乾縷儂家無田無煙賣忍饑不負三分債

鄉人種淡巴菰謂之煙葉春間借債買豆餅壅田秋後加息二三分還之

三月招得採茶娘四月招得焙茶工千箱捆載百舸送

紅到漢口綠吳中
年年販茶苦價賤茶戶艱
難無人見雪中芟草
雨中摘千團不值一
疋絹錢小秤大價半
賒口喚賣茶淚先
嚙官家權茶歲算緡
賈胡壟斷術尤神
傭奴販婦百苦辛
猶得食力飽其身
就中最苦種茶人
種田莫種黃泥溝
嫁女莫嫁蓮花洲
溝田年年發秋水
洲家頓頓餐糶子
俗結姻仍是舊
姻家但求佳壻足
桑麻朝出負薪暮
汲水日助鋤苗夜
紡紗柳林霜重爭
收葉菜圃天乾獨
灌瓜渠儂不勞乏
生路但解治生勞
不苦祇恐青黃不
接時嫁衣典盡饑
難度亦俗幸免饑寒
願卽伸終身荆布
敢辭貧茫茫天道
那堪問此輩偏多

孤寡人

上海

三十年前此駐師斜陽並馬出江湄木棉花發黃婆廟

先朝閩婦來蘇教人紡織者至今人廟祀之石堰潮通太僕祠門繫漁舟秋

捕蟹機鳴燈火夜縑絲北城歌舞南城戰苦樂茅檐總

不知謂同治元年李傅相督師時事

曹耕之太守辭官後攜家寓金陵頗享湖山之樂

昨書來以余兩兒今科通籍辱詩致賀依韻答

之聊抒離索之緒云爾

彩筆飛來五色雲梓鄉當日仰雄文杖鳩人已推耆宿

軒鶴余還愧舊羣見說階蘭爭茁秀早聞棠棣競華紛
耕之昆仲昔年皆以文名於時子弟亦多秀起龍門學步談何易珍重先生借
齒芬

知音自昔擬牙鍾鴻燕分飛嶺萬重無定河邊驚落木
莫愁湖上採芙蓉別來世事渾難說老去文章興更濃
吾欲攜兒躬問道談經今孰比丁恭

讀楊忠愍公椒山家書墨跡感賦長句此書十餘
年前公裔孫貧不能支質於保定典庫任筱沅
方伯捐金贖存直隸藩庫中此書藍紙小楷後
幅字微鬆放與市售搨本字迹迥異信真蹟也

一諫遠謫再諫死英氣凜凜奇男子欲將隻手挽乾坤
禍機那計肉投机信而後諫聖所量道乖不合身可藏
天地陰曠魑魅橫乃施爝火引陽光至今一疏懸北斗
當時碩果留綱常我讀公書淚頻落云是死前一日作
從容絮語告兒知落落但分田負郭人見公孫尚起敬
可憐門衰苦不競公神在天日照空千秋萬古懾姦庸

宿拱極城

風送駝鈴徹夜聲飛砂簷隙作鴟鳴喚回二十年前夢
細雨寒燈拱極城

惠濟祠邊古木疏渾流時漲復時淤凋零朋舊知多少

怕說滄桑未變初

永定河

兩岸高於屋奔流拗折行水渾如土
飈風勁挾沙鳴昔比黃河險今猶尺地爭築垣居駭浪自古患難平

痛癢甯關意時艱議論多迴瀾雖有柱挽日竟無戈欲作徙薪計其如築室何空餘熱腸在奔走鬢鬢皤

涿州道中

水急灘高響入城黑雲故故傍山行清時那有蚩尤霧風捲黃沙萬馬聲

盧水西來月又圓新晴草木入春妍嶺雲欲合還飛去

馬上看山雪際天

二十年前橋上遊
醉吟猶憶水邊樓
自家老去渾忘卻
翻遇故人驚白頭

當年見獵耳生風
怯冷今成曲背翁
那有八騶前導從
可憐新婦閉車中

小園二首 保定臬署

鞫囚心若碎
披牘眼爲昏
孳孳蛀木蠹
戚戚繫檻猿
庭西有隙地
瓦礫高於垣
一朝理荒穢
風日便清溫
非徒散腰脚
兼以淨心魂
所恨土膏薄
日汲井水渾
園丁乃笑我
公胡不憚煩
一官一性情
一歲一寒暄
焉知後來

五山詩集卷二
三
人長此護籬藩要爲我適意久遠非敢論

我家蘭溪側繞屋青琅玕清風脩然來日坐水雲端別
來幾何時松菊忽已殘蒼蒼數莖竹如對故人歡豈不
畏霜雪護持耐歲寒譬彼高臥士貌瘦神獨完感此三
歎息涉世同艱難

過大清河

幾輩乖風下水船幾人失手覆沈淵重來卻似遼東鶴
空向秋風歎逝川

白溝河懷陳作梅先生

屢向金臺把酒卮白溝河上折楊枝故人去盡頭如雪

猶憶元龍共榻時

苦蠅

欲作華胥夢清風喚不回此身恣啖噉何計避炎埃拔

劍驅難去杖闍紛又來老人能忍事聽爾點樽罍

王思性急

拔劍逐蠅北史慕容儼傳代人庫狄伏性鄙吝愚很居室患蠅杖門者曰何故聽入

出郭

出郭饒生意籃輿此暫臨烟描山態活雪沁麥根深旭
日初迎戶輕霜半染林所嗟苦潢潦農事誤秋霖

積水歎

天陰陰雲漫漫野田積水渺無岸陰風呼號冰欲凝饑

蹲破屋舟車斷東家養女嫁高原年豐餘粟飼雞豚西
家養男志四方雙親餓殍仆路旁天失運兮鳳變鵬地
失運兮陵變谷朝朝婦子賽龍神今日蛟龍乃矚屋街
頭古廟香火冷皓月淒涼照夜永朝來官家作道場日
爲災民施一餅

有感

窮荒洪水久不治上帝哀民屢歎咨巨靈狡獪一試手
劈山頓使河流移山東萬人尸而祝山西百人葬魚腹
功多過少帝稱能胡乃旁觀意不服南極老人獨抗章
手械巨靈楚山陽西人拍手東人訟功過紛錯難評量

帝起皋陶推此獄先從公私論直曲假公脫罪罪宜科
爲私立功功不錄上帝聞之惻然驚爲薄其罰原其情
治事要當論成敗功疑惟重罪疑輕速頒赦書復冠帶
巨靈已死逾三庚才小志大古所戒弱水至今流恨聲

正月冰泮遊湖上

光緒十九年癸巳五十七歲

風光駘蕩瑞烟浮放棹湖東見白鷗雲淨遠山明似畫
雪消春水綠於油村厖喜迓尋芳客野鳥啼依賣酒樓
自是豐年占有象祥靈三度徧皇州

懷朝鮮金判書允植雲養

從來忠信困風波如此風波奈爾何
援手恨難身縮地

五山詩集卷二
含冤竟比石沈河象胥館裏謀謨在鱷窟洲邊歲月多
屢欲作書猶待發近聞魑魅尙紛羅

懷朝鮮魚參判允中一齋

長髯方頰辯詞雄裙屐翩然過海東信有孤忠能報國
偶來一揖見名公萬言痛效長沙哭三黜欣追柳下風
自是興衰關國運莫將身世論窮通

李萼客侍御寄白華絳柎閣詩初集讀罷感題二

首

曾於齋壁賭雄篇豹采驚窺恨未全今日華柎煩遠寄
始知風雅有真傳百年家國樽前淚千里湖山夢裏天

尤見詩人敦厚意陳雷肝膽照重泉

祿養當年不逮親與君同是亂離人
滄桑閱盡頭成雪枕靡功深筆有神
戴仲講經曾奪席張綱抗疏欲埋輪
文章報國儒生事珍重千秋著作身

秋晚隄上

垂柳蔭西東蟬鳴一路中
濤聲風斷續林影月玲瓏
對景佳人遠傷秋往事空
摩挲手植樹生意尙菁葱

過永定河偶憶往事

水下金門瀑布流重來二十有三秋
摩挲老樹猶如此爭怪行人不白頭

仗策當年數解圍周南徐北各分飛英雄成敗爭呼吸
堪笑癡人辨是非

史家才氣自縱橫李廣安能與吏爭事後榮枯誰料得
可憐恩怨太分明

凶吉明明兆有因曾持盃玦卜龍神河清難俟頭如雪
枉負橫流砥柱身

蘆溝橋

灑水出雲中環畿一派通濤聲奔怒馬晴影落長虹東
去九門近西來萬軌同勞勞雙鬢白誰認棄繻童

蘆溝橋店

冷月清霜萬瓦明
紅塵初動馬蹄驚
西風吹斷還家夢
一夜駝鈴枕上聲

赴蘆溝橋勘估減水石壩

水落沙痕挂石欄
欲分清濁奠狂瀾
書生莫笑持籌拙
調劑盈虛自古難

輓周蓉第別駕

授職我曾書紙尾
蓋棺今爲寫銘旌
天涯久客知何味
聽盡鄰家歌哭聲

雪霽早行

雪霽風和暖氣宣
老農占歲識豐年
千家雞犬朝迎日

萬頃瓊瑤豔射天尚覺馬毛寒似蝟欣聞鳥語軟如綿
黃塵三斗歸來客已抱春心向酒邊

過劉伶墓

安肅縣境 光緒二十年甲午五十八歲

酗營垂戒古之常先生獨以醉名揚亂世逃名無處所
壺中日月有羲皇眼高心遠百不挂直與造物遊渺茫
養生妙術在自取斷斷持論嗤嵇康青青長松林瑟瑟
短茅岡何人爲酹高士墓終日塵飛大道旁先生醉鄉
在何鄉問津後許陶柴桑寥寥千古永相望個中滋味
誰能嘗作記且付無功王

過居庸關

風號谷口捲黃沙牛鐸駝鈴鎮日譁地瘦千巖枯似鐵

春深二月冷無花

土人多藝杏時已春分未見一蕊

連山古堞難尋路

失業遺兵半寓家風景愁人正悽絕那堪孤客望天涯
萬峯迎面水潺湲一望長城蒼莽間大漠四時飛朔雪
神京千古鎮雄關流泉響滴彈琴峽落日寒籠駐蹕山
笑我封侯無骨相尋源虛犯斗牛還

時偕許仙屏河帥履勘永定上游分水壩基竟以無法施功而止

宣化道中

秦時上谷古幽都中外藩籬此奧區拓跋雄圖青蓋杳
蚩尤斂迹赤旂無天荒似水風沙黯戍冷如冰草樹枯

聖代車書通萬里請纓誰爲指伊吾

九邊節鉞舊登壇殺氣銷沈四塞寬統幕

木卽土

血銷空

堡冷磨笄雲黯一峯寒朔風斷柳悲呼日驟雨流沙驀
起瀾攬轡澄清原宿志敢辭羸馬踏桑乾

懷來縣

榆堡門前柳映扉媯川河畔杏沾衣危峯積雪日相射
荒磧無風沙自飛關路通邊茶馬利訟庭如水吏民稀
可憐遺壘成村落一熟畬田歲計微

呈許仙屏河帥

文如清泉走澗谷字如俊鶻棲秋木先生餘事已驚人

况乃經濟幹時軸
黃河萬里來滔滔
先生鎮之鯨鱉逃
擊環斬草斷事快
一掃雲翳青天高
偶分餘策治灑水
不旋踵間百事理
人疑先生冷鐵面
雍容裘帶書生耳
兩月桑乾暮復朝
敢言臭味比蘭椒
青蠅白壁渾閒事
慙愧知音爨下焦

時予遭言官誣劾仙帥為雪之且加褒語

仙屏河帥以所刊王澗香節婦遺集見示讀罷因

題

魏晉丰神唐宋詞
大家風範女中師
如何天賜凌雲筆
獨予孤鸞寫怨思

傳經梁苑養閒身
白髮青裙百苦辛
千古才流同一歎

直疑造物妬詩人

客窗痛飲首頻搔星斗寒芒射眼高香草美人
心不死

一篇哀怨抵離騷

卹老凋孤散俸金人欽幕府義何深表章苦節揚風雅

猶是衡文佐化心

遊西山古寺

老慵晚悟道守寂臥空門古廟香煙冷喬柯鳥雀喧庭
無求福客室有望雲軒城闕黃塵裏終朝車馬煩

遊靈光寺

觀失意諸
貴人題壁

山腰吐一泓紺宇環而密有泉山乃靈天巧非人術老

僧晚有悟終歲戶不出時逢市朝客來此遣愁疾白皮
松何古斧斤不敢詰下有潛壑魚飲冰甘如蜜物以無
用壽人以寡言吉佩服空王語無得自無失

妻六十生辰

結縈又到白頭辰回首牛衣百苦辛亂後有誰同福命
老來依舊愛清貧兒孫幸助含飴樂里黨難忘待爨人
笑爾此生原不負慙予無補尚風塵

哀體誠弟

聰明倜儻亦英才泡幻如何悟不開客死甯無魂入夢
年年猶望爾歸來

寬嚴相勸意深長
友愛真慙詔勉方
地下雙親如見問
憑將何語慰高堂

十年信絕始招魂
跨竈惟應望後昆
泮水一遊花遽謝

痛無遺蔭到兒孫

弟遺梓樛二子梓入泮後卽殤去

五世荆花損次枝
此中氣數遽難知
同懷何事差堪慰

一子三孫奉爾祠

秋風孤雁痛離羣
消息虛傳粵海濱
可歎白頭嫠婦在
年年空上葬衣墳

傷學涵兒

學涵原名安瑞

髫齡舉止獨安詳
作字舒徐墨有光
猶記劉師期望語

此兒他日姓名香

金馬會期三十後白雞那憶少年逢追思日者如先見
小姪常遭亦大凶

魄礪偏傷赤子身恨無舞象散天真世間舐犢非惟我
爲刻遺方普贈人

兒勤讀遂患胸痞

育麟曾憶皖江邊轉徙相攜十六年離亂生來太平去
遠聞隣姥亦哀憐

階前蘭玉鬱芬芳獨惜三郎折雁行一種聰明向何處
思來一十六年長

九郎風骨亦清溫破涕時爲拭淚痕何必探環問前世

善門應有好兒孫人謂阿輝神情似涵兒或其轉世此戚族慰解之詞耳

破例移枝寄愛心弄珠掌上比兼金鄧山果有椎牛日

應見清風滿竹林學銘第二子明詒繼學涵後學涵葬城東鄧家山虎形附我叔光徵公壙

半生菽水少承歡天末歸來淚眼乾最是傷心兒去後

老人從此減加餐

鬼神莫挽窮途運賢哲難忘患難心舊事思量拋未得

燈前一夜淚痕深

定興道中遇雨

驟暖晴難久雲陰忽蔽空麥肥三月雨柳折五更風小

市前朝鎮新隄卒歲功泥塗愁日晚老馬辨西東

開盧溝減水渠同事陳敬如總戎以詩見貽依韻
奉答

沙隄難束怒濤奔減水醜渠郭外原揮汗萬夫朝舉錘
占晴五夜月窺門斬蛟周處慚無力建埭陳登事可論
自是君餘湖海氣強將豪語慰羈魂

懷來縣官亭鋪尋前制府高公所築玲瓏壩遺迹
兩崖如削浪中奔風雨雷霆日鬪喧水挾流沙分瀚海
天留奇險護中原漁樵生計都無路斧鑿神工尙有痕
試問玲瓏壩何在巖花寂寞鳥無言

柳絮

三五山言集卷二
三五
落絮翩翩弄晚晴馬頭如送復如迎扶持自信風無力
飛灑猶勝雪有情關塞十年傷遠別冰霜萬里嘆長征
當年張緒憑誰識荏苒流光白髮生

任邱道中

萑葦冥冥天蒼蒼危隄一綫入渺茫溼氣作雲雨斷續
微風掀浪船低昂林扉晝掩雞犬靜羽檄宵征車馬忙
埜鳥啼飢向人泣秋禾半沒水中央

乘小輪舟過西淀

激浪高飛雪吹煙密布雲風聲奔馬疾人語亂蛙紛倏
忽鳧鷗散依稀井樹分滄波渺無極回首惜離羣

聶功亭總戎在朝鮮成歡禦日本以五百人擊退
敵數千高陞運船被燬我海軍無力往援糧絕
路斷聶乃全軍隨葉曙卿提軍由牙山退至平
壤喜聞作此

出險二千里艱危一月中渾身都是膽絕口不言功莫
補亡羊計真成搏虎雄從來多算勝誰爲策元戎

出山海關

秋霽高天迴揚鞭指淚西雲山濃似畫砂路淨無泥風
力出關壯煙痕罩海低古來征戰地駐馬聽烏嘯

過大凌河有感

大凌河西松杏山甯遠州接山海關當年神武受天命
一旅崛起清塵寰策府鴻文稽掌故大義深仁天睠顧
畫沙授策兵如神解食推心人盡附思陵求治心如焚
舉棋不定徒紛紛嚴刑峻罰術已竭可惜賢愚瞽不分
撥亂扶衰須破例豈有英才困拘制臥薪嘗膽金石開
主聖臣賢魚水契燕雀處堂百事非何須塞外問戎機
科名取士非無用祇笑文人經濟稀

馬上口占

士氣欲吞虜軍儲可借籌如何遲不決竟使覆難收小
試翻貽患甘言蓄詭謀相期推轂帥鼓舞動貔貅

行軍有至要飛輓事宜先况已兵深入安能釜待懸箕
封欣稔熟比戶歎流遷時雨王師降先須奠市廛
祭酒軍諮重師行司馬尊豈容參戰伐竟等牧雞豚士
辱何妨死威驅不感恩焦頭甯足惜深恐火燎原

遼陽農家

用朝鮮進
貢使臣韻

雅有江南景林巒百卉榮山深日落早溪曲水流平場
圃封秋稼牛羊臥晚晴衡門無禮數蓬首揖公卿

但喜田疇闢渾忘軒冕榮地偏唐韎鞞邑古漢襄平晚
雨狼尋食晨煙雀噪晴著書爲何事皓首笑虞卿

木棉初上架菓種挂南榮不識狐裘貴惟貪酒價平糞

田愁夏潦負販快冬晴見說前村富新交貴戚卿
對宇兵民洽先朝家世榮農桑忘戰伐雞犬樂昇平遼
水秋前浪天山雪後晴郵亭詠風景歲見外藩卿

感憤

豈真氣數力難爲可歎人謀著著遲自古師和方克敵
何堪病急始求醫西鄰漫恃和戎策東海甯逢洗辱時
蠢爾島夷何負汝茫茫天道竟難知
敢道亡羊始補牢是誰升木自教揉六州鑄鐵無斯錯
萬口爍金安所逃東國縉紳餘涕淚中原杼柚亦憂勞
可憐老馬空皮骨輸輓從登九折高

十載經營警眼空敢言掣肘怨諸公獨支大廈談何易

未和陽春曲已終好固藩籬留北道深防雀鼠啓西戎

賢王遠略心如見雪涕陪陵墓木風先是醇賢親王意欲大建海軍力圖

自強不願開釁列邦

懸軍深入海天孤我師先入朝鮮西南牙山乃海角絕地水陸無援棄險憑城

更失圖我軍退至平壤不守千里士難遵帥令時有奉天左豐

二軍北洋葉衛二軍皆不相轄各聽本省帥令十年彼已讀陰符市人驅戰同

心少駭豎成功自古無歎息國殤淪異域春來南畝半

荒蕪

雪地冰天困短車筐牀清淚夢醒餘犯顏愧少誠相感

効死甯教憤一攄
斬佞上方難請劍
知兵黃石更無書
澄清會有中興日
可惜微臣鬢已疏

夜坐

光緒二十一年乙未五十九歲

星斗凌競夜色淒
愁雲如墨罨東西
饑鳥啄肉忠魂泣
天狗流聲怪鳥啼
神鬼豈能迴劫運
蒼穹何意禍窮黎
獨憐白首心難死
起舞猶驚未曉雞

入山海關

時奉旨入關總理營務因將前敵轉運事交袁慰庭觀察專辦蓋以春暖冰泮

直隸沿海戒嚴也

雪霽塵沙撲面飛
嚴寒三月未更衣
事隨天末驚鴻去
人似遼東化鶴歸
耳底鼓鼙餘夢寐
眼中煙樹認依稀

此身馬革知何處深愧諸軍爲指揮

聶功亭諸公請余駐唐山以便策應

榆關大沽南北兩路轉運等事

聞中日和議已成感賦

一度交綏一退師傷心南北撤藩籬萬家痛哭遷無地
四海煩言責有辭臥榻豈容鼯異類盈廷誰復痛朝危
民心思奮深仁在正是殷憂啓聖時

李傅相自日本議和回津知各軍不日撤退余以
病請告奉恩旨開缺五月初二日自大沽登輪
舟聶功亭士成章鼎臣高元吳瑞生宏洛吳樂
山育仁鄭承齋崇義羅耀庭榮光諸提軍張燕

三山詩集卷二
謀翼觀察沈小舫若球別駕裴仿白敏中諸公

餞送於塘沽黯然賦別

同治十年初北游到今二十五春秋無多事業雲過眼
有限光陰雪滿頭感事尙餘清夜淚放歸已荷主恩優
臨歧多謝良朋語他日還期展壯猷

小舟暑夜時在高郵州運河

月黑天高霧滿汀一灣淺水帶魚腥
雨師風伯知何處空把蒲葵逐蚋蠅

大風

時中日戰
事初平

湖上風波日日新舟師豚酒賽湖神
可憐帆倒檣傾客

半是乘風快意人

中流萬里望林邱
咫尺頑雲瘴不收
倏忽風清魑魅散
夕陽蘆港臥扁舟

湖上對酒寄劉薌林觀察

劉時在東海關道任

將進酒杯莫停桃花滿地梅青青
春風一去誰能挽
夸父追日徒伶俜
日光西落猶再曉
白髮還元古來少
對花不飲空嘆嗟
相看不若花前鳥
風濤漫天瘴不開
長蛟食人骨纍纍
我無斬蛟三尺劍
坐聽隳突聲如雷
年年客道收帆好
我道收帆不如早
楚州城西水如縠
淮南米賤酒初熟
春風待爾到秋風
莫到雪霜滿巖谷

薌林

接此詩
即告歸

旱

拜社求神事總非
稻田龜坼麥苗稀
蛟龍不起緣何事
日見閒雲作陣飛

放舟遊京口三山

霜落天高萬象清
西風送我作山行
六朝已往諸峯在
萬里歸來兩屐輕
滄海烟銷晴日吐
澄江秋盡浪花平
故鄉此去無多路
猿鶴相招有舊盟

登金山

南北青山依舊青
重看樓閣照滄溟

殿宇皆粵匪
平後重建

天空

倒影江搖碧風過無心塔響鈴三石有沙連鐵甕

山南漲沙

成陸三石
早不見

一泉何處問中泠英雄事業銷沈盡玉帶摩

挲見典型

登焦山

拄杖蓬瀛最上頭蒼茫一覽海天秋千重山外孤峯立
三十年來兩度游四面風帆潮上下半巖金碧影沈浮
結菴欲伴焦公老可有紅塵到此不

登北固山

甘露樓空狠石孤猶傳勝事紀東吳江濤莫洗英雄恨
風景猶供過客娛京口夕陽明舊壘淮南秋色暗平蕪

登高漫寄凌雲想瀛島如今是坦途

遊惠山謁淮軍昭忠祠

躍馬橫戈我亦曾芒鞋今日訪溪僧未誇血食留千載

且上雲嵐第一層山好宜人温似玉泉清到齒冷於冰

池南尚有逃名士拄杖敲門喚未應

謂楊臨筮觀察

望皇山泰伯墓

山在無錫東五十里

江南啓宇化文身千古逃名第一人家國興衰爭出處

弟兄艱苦慰君親清風已自同孤竹至德還應軼逸民

欲奠蘋蘩雲巘遠夕陽掩映水鱗鱗

朱子言泰伯不欲傳嫡亦不願滅商

與程論異

蘇州城外有感

四郊戰壘化雲烟
七里官河沸管絃
怱悵東西長陌上
思量三十二年前
長槍大劍非無用
落溷飄茵各有緣
笑我老來尋舊夢
夢中山水亦悽然

五人墓

五人墓共一坏前
迫山塘後虎邱
五人名動九有過
客往來奠卮酒
五人心乃萬人心
萬人心同無古今
乾坤正氣鬱森森
山嶽鼎峙海水深
赫然一怒不可遏
魑魅退藏神鬼欽
我昔曾過魏闔里
荒草寒烟沒久矣
居民惡人問名字
斷礎移作浮圖址
吁嗟乎五人生亦編氓

耳自幼何曾讀書史我恐讀書史求祿仕一朝愚直不
為此嗟哉五人真男子

獅子林相傳倪雲
林居此

高人有潔癖城市詎能容疊石偶為戲環瀛無此峯檐

前留畫本戶裏寄游蹤此日傷蕭索頽垣碧蘚封

吳園即拙政園合肥李傅相同治初年駐節
於此余適從焉今售為八旗奉直會館

樹冷無花鳥不乳寂寞吳園已易主畫樓猶憶雨催詩
射圃曾看風嘯羽少年但說從軍樂意氣如雲命如土
長參短簿皆英俊豪吟縱飲恣歡舞祇今白首幾人存
寥落晨星只三五貂蟬那見出兜鍪巫覡旋看考鐘鼓

時來空谷煥雲霞
事去荒臺泣風雨
君不見虎邱山上
闔閭墳歲歲春風呼杜宇

滄浪亭

偶因會飲發狂歌
畢世勳猷委逝波
濁水豈如清水好
南山常遇北山羅
忘形傲物才人累
問字求詩墨客多
莫說雞竿人不及
至今風韻滿巖阿
蘇子美云不及雞竿下坐人蓋傷其不得赦復也

天平山

方巾簇立笏朝天
子姓繩繩萬口傳
家至微時方鵲起
人從貴後指牛眠
慶陽忠烈留遺像
慶陽有遺像碑
吳郡家風

重義田理定不難迴氣數是誰齋粥抗前賢

虎邱

英靈化虎虎守墳擊虎之人塚亦焚秦始皇會發闔閭墳生前威

令暴如虎死後都無一坏土江山猶是城郭非魂魄早

作黃塵飛空餘紙上戰伐迹白骨如莽叢譏誹何點當

年棲隱處池臺曾闢王珣墅尹焯留得讀書堂千秋德

業騰高炬宋尹焯曾讀書此山我笑吳人不解事應為彥明奉樽

俎琳宮別館幾興衰競霸圖王空爾汝茫茫四顧誰與

言一塔斜陽如倚杵

吳船

吳兒操舟疾於馬婦男篙櫓亦脫灑柁樓風雨長子孫
八十老翁猶健者種田苦潦粟不餘駕船飯稻還食魚
人生得飽事卽了何須跨馬乘高車時事日非趨巧捷
飛輪萬斛不用楫但走江海不入湖爾食龍膏我蝦鬣
老翁閱世憂患多子孫生計將如何海灘聞有閒田地
買來姑作凶荒備

虞山

虞山特孤峻盎然平地起頂梳東海風足濯尙湖水巫
咸墓難覓虞仲塚猶峙碑亭何巋然共指子游子人言
後裔微卜兆非佳址此乃兒童見方寸笑千里乾坤有

元氣形毀氣不毀迹在商周間神游覆載裏文物啓東
南清風絲萬紀理在神自在何問地惡美嗟哉富貴人
石馬徒蟲蟲

吳江農家

稻田洩水趁晴暄穉老垂頭脚露根分付兒曹須護惜
莫教隨意放雞豚

十頃桑田綠蔭濃好教培壅過殘冬螟蟲食葉如蝌蚪
錯被旁人問吉凶

木絲數畝禦冬寒紡織聲中度歲闌爲恐老牛先怯冷
自編蒲葦補牛欄

石橋處處跨長空十副蒲帆任好風
城內官人好閒事無端寫我畫圖中

黃雲捲盡稻生孫婦子嘻嘻慶歲成
不但雞豚飽餘粒陂塘鵝鴨亦歡聲

平望廟前

風起鼉鳴浪潑天風平鷗鷺鏡中眠
老僧飽食閒無事日日憑欄閱過船

望亭橋上

入眼青山似故鄉江南九月氣初涼
西風遠水帆帆白南畝清霜頃頃黃
高閣人聲茶酒市叢祠燈火綺羅香

年豐自是昇平象何必悲歌數楚狂

舟過嘉興

寒雨菰蒲暮泊船市橋燈火靜無眠夜來輪舶聲如吼
驚起鳧鷖過水田
十里平湖綠似油未霜紅葉已先秋何人扶杖身無事
日過溪橋上酒樓

登吳山

孤峯突兀俯金湯勝蹟猶傳有美堂風月祇今屬蘇白
江山無限感興亡朱甍碧瓦千家靜月色濤聲半夜涼
樂事他年須記取蓬萊頂上作重陽

西湖

天目獨峙天南都龍飛鳳舞趨海嶠欲開奧府逞雄怪
萬馬迴勒環中衢西湖非湖乃人力一水灌注開雄圖
杭州作汴亦幸耳山溫水膩柔肌膚我愛湖上蘄王驢
我愛養鶴處士逋心閒意遠別有託豈避朝市尋歡娛
邇者鄉人更好事祠堂濟濟吹笙竽留連風月本閒事
安能醉夢甘烹屠金陵亦有元武湖蘇州丹陽與具區
山谿視人作強弱興亡何繫險有無我願立祠祀武肅
不抗天命守一隅後之視今今視昔嗚呼來者其鑒夫

靈隱寺

就山造像整還斜一澗穿亭洞口衍造物弄真人狡獪
浮屠炫俗競紛華花鈿寶馬焚香路樵笠漁蓑賣酒家
白鶴未來天竺遠誰能扶杖訪烟霞

岳王墳

為拜崇封一感傷可憐雄略遇辱王奸謀自探君心出
和議遂教國恥忘朔漠風霜遙祭日西湖歌管太平鄉
當時稱秦檜千秋公道民心在又鑄頑金跪下方秦檜
為太平翁
石像先經粵匪毀碎近土
人又鑄鐵像跪伏墳前

杭州城外閒步

芋熟菱香橘味清秋風又到越王城扶筇獨立斜陽久

爲愛邨邨打稻聲

觚稜臨水大王祠
鐃鼓喧填報賽期
破衲老僧焚祝罷
自挑埜菜度朝飢

江水甘寒湖水清
城閩汗瀆自縱橫
決渠引水猶拘忌
况挽天河爲洗兵

山頭壁壘駐新軍
日運薪糧度棧雲
兵士亦黏脂粉氣
戰裙四角繡花紋

倚巖古佛咽秋風
曾見銅駝荆棘中
哲匠良材世不乏
何人發願起珠宮

湖鄉雜詠

南湖菱葉密如氈小艇收菱白露天生事無多官事少
催科不上採菱船

連日狂風浪拍隄釣船空繫斷橋西何人爲決南湖水
放却漁竿事短犁

朱陳舊俗易婚姻近日時妝照眼新珠翠何關溫飽事
却傾倉廩飾冠巾

破竈經年不見魚百錢尺鯉貴何如小園秋旱偏傷蠹
七十老翁身灌蔬

蠶桑生計本來微新法牽紗巧更稀聞道日成三萬匹
天邊織女亦停機

辛苦吳牛背已瘡
齧殘枯草臥斜陽
似聞野雀呼羣樂
已向冬巢集歲糧

溪橋晚步

蟹籠魚筐溼浸街
道人隨意踏芒鞋
小樓誰築清溪畔
也學臨湖畫舫齋

戶戶修廊澗水邊
茶寮酒榭落帆天
誰家姹女當鑪坐
燈火宵深聽數錢

野市扃門靜夜風
籤聲忽聽賣錫翁
兒童遊戲渾無意
信手輸贏一掣中

一錢爭執語相訶
芋飯蓴羹值幾何
閒裏是非誰管得

且從踏月聽漁歌

九月十六晚大雪極冷夜不成寐

聞道立冬餘七日無端酷冷透重緜老人驚怪真奇事
雪灑重陽節後天

垂老歸田望歲豐敝裘補綴禦西風可憐最是機窗女
裙布猶存質庫中

篷窗淅瀝不堪聞小酌殘燈酒半醺一事思量不成寐
數州秋稼尙如雲

夜半西風冷透肌孤舟兒女自呻呶老人驚醒忽墮淚
夢到遼天雪戰時

最惜菊花開最遲無端風雪壓疏籬園丁笑向遊人道
正是此花培養時

炎涼盡處轉機緘連日西風冷太嚴人事天時應料得
明朝晴暖挂帆歸

丹陽舟中懷古漫興

秦始築城防塞北隋煬引水達吳中如何後世蒙深利
不數當時濬築功

苻堅伐晉舉朝非梁武降侯國運微氣運敗時無力挽
多原躁競昧先幾

清談那解宗黃老佛法何能理國家同是帝王資秉薄

華林元圃後庭花

劉氏刈柴持璽紱到家擔糞亦朱軒
舊宮農具休慚色
留取艱難示子孫

國步危時倒太阿
勛臣無命竟如何
量才誰是夷吾器
僥倖功名史上多

邊女爭桑釀國仇
當年吳楚事堪憂
聖王治外先治內
逞忿安能語遠謀

星斗去人幾萬里
稱名問北枉談空
求名處士真堪笑
日辦棺衾望碧穹

江左偏安狃素風
世家亭館徧江東
皇陵亦似尋常塚

都沒耕煙牧雨中

鄂渚原爲形便地更逃建業宅錢江和戎那借書生策
千古忠賢淚滿腔

赤手難扶三季運聚奎空說五星聯天生賢哲知何意
半老名山半謫邊

洪武都南慮後衰燕王北徙重邊垂天時地利無強弱
只在君心一轉移

謀國要須論成敗聖賢事業豈疏迂我傷正學齊黃輩
國社遷移九族誅

長圍禦賊甯持久駭帥監軍詎解兵衰旺因時有天數

可憐豎子亦成名

九月二十四日渡江返淮安

去年此日走重關
匹馬天山望故山
一夢忽醒風雨散
此身仍墮水雲間
天清帆影波如鏡
秋老蘆花鬢已斑
漫擬乘風破高浪
江湖烟月本清閒

平山堂懷歐陽永叔

政事文章八百年
未教遺迹化雲煙
何人小築如蓬島
贏得清風在管絃
檻外楊花搖落久
江南山色古今妍
堪嗟弟子曾三至
彈指聲中雪滿巔

謂蘇東坡

露筋祠

清淮渡口露筋祠千古冰心照水湄生世何年無可考
幽貞傳說爲含悲湖光滉漾風生樹蟲語淒涼月映墀
可歎蟲蟲難撲盡春來庭草又離離

將抵淮安寓廬忽遇逆風

繩牽篙挽夜將闌悵望茅廬隔數灘世事到頭多蹭蹬
吾儕隨處有艱難事當努力機應轉去固無心住亦安
聊借一杯消寂寞布衾先怯曉霜寒

蝸室

少年匹馬逐跳丸白首蝸眠一室寬身帶盲聾惟欠啞
恩留冠帶不名官在家略似僑居客省事何妨併日餐

玉山詩集卷二
明歲攜孥歸上塚扁舟還過子陵灘

蟲嘆

鱸鮓啖鯉鯉啖蝦萬類搏噬爭紛拏微蟲亦有避禍術
况乃衛身具爪牙力有不勝亦偶耳豈能常令刀俎加
螻蟻戰鬪兩爭穴蜜蜂號令午排衙燕知戊子雀知歲
夔且憐蚘蚘憐蛇天生物性識利害誰能坐困如井蛙
猩猩得酒戲著屐掩取何異籠裏貊先生食飽無一事
感物多情念乳孳世間馬耳射東風聊作小詩破昏睡
冬夜讀書偶題示家人
背燈把卷欲三更棲鳥無聲月照楹瘦骨添衣寒氣早

晚餐減食夢魂清
讀書勝對時人語
飲酒何期死後名
聞道諸公參廟略
兒孫應見享昇平

讀朱子集偶感

濯除舊見啓新知
此事惟應智勇期
國狃承平誰破例
人乘權勢易徇私
炊砂作飯難充腹
簇錦成文等鏤脂
千古悠悠同一嘆
微言誰與奉師資

莊子

天外懸知更有天
鯤鵬雲路大椿年
心遊萬古鴻蒙上
道在先生麀尾邊
釋老相方嫌作弄
陰陽無意任周旋
閑言自足砭澆薄
可惜靈光探未全

哭朱敏齋廉訪

上考三膺十二年誰教沈滯到華顛
閭閻久頌張堪政絳灌甯知賈誼賢
宿債更添遷秩後新恩疊報蓋棺前
平反多少關心事北望燕山淚黯然

二十五年交誼在三千里外噩音來
生留遺愛誰知己死固如歸我惜才
大度不談烏攫肉浮言猶自影搖杯
傳家治譜休輕棄漸見兒孫出草萊

閒行偶興

最差東郭乞膳驕不學南宮載寶朝
屋裏絃歌無格調人間鵬鷁各逍遙
古人飢臥余多愧同輩飄零獨後凋

竹杖翩然無遠近
高歌鼓腹頌唐堯

鹽城道中

野水荒陂露漲痕
孤帆逐處傍籬樊
酒香燈影橋邊市
樹色雅聲浦上村
歲晚稻梁輸海舶
日斜鷗鷺戲田園
桔槔那用機心轉
場圃風來浪自翻

興化道中

積土成村市井通
舍南舍北沒鳧翁
天垂四野雲連水
浪蹴千塍海嘯風
越綺齊紈舟楫便
羹魚飯稻歲年豐
何須塘灤攔戎馬
絕境桃源在眼中

玉山詩集一二卷勘誤表

二	二	二	二	一	一	卷數
四十三	二十二	十四	十一	二十一	一	頁數
四	十七	十一	五	三	十八	行數
九	三	十六	八	八	十四	字數
闌	乘	宮	辦	啄	園	正
闌	乘	官	闕文	啄	門	誤
	二	二	二	一	一	卷數
	二十四	十五	十一	三十五	三	頁數
	十九	七	六	六	七	行數
	四	十五	十四	七	二十	字數
	賭	往	疴	斛	唧	正
	賭	在	疴	庠	唧	誤
	二	二	二	一	一	卷數
	四十二	十七	十四	四十四	八	頁數
	二十一	十六	三	十	一	行數
	十八	十六	一	七	一	字數
	人真	其	決	壁	呼童	正
	真人	有	決	塵	童呼	誤

类别

编号

丁

册数

2

售价

120

中国书店